

嘉慶松江府志

松江府志卷七十九

名蹟志

冢墓

華亭縣

吳大將軍丁奉墓

在華亭新橋鎮東市嘉慶八年農人墾田見石碑之攜歸作階砌有識字者過

之見大將軍丁奉墓六字餘已泐今墓尚存高三尺餘考吳志丁奉安豐人以斬孫綝遷大將軍迎立孫皓遷大司馬左軍師建衡三年徙奉家於臨川晉書地理志臨川郡吳置今爲江西省屬去松甚遠何以葬此已遷大司馬左軍師何以仍曰大將軍存之俟考

陳黃門侍郎顧野王墓

在亭林按吳地記顧野王墓在橫山東平陸遺言不起墳蘇州府志

橫山一名據湖山在吳郡西南十六里隋書十道志山四面皆橫故名橫山太平寰宇記姑胥山在縣西三十

五里連橫山之北顧炎武詩序亦以為在今蘇州府吳縣橫山東五里越來溪上舊志謂在亭林存疑可也

唐蔡侍郎墓

雲間志在柘林方廣寺按寺記云自古相傳蔡侍郎捨宅為寺竟無稽考惟石幢題云唐

咸通六年蔡贊造去父母塋九十步去壽塋十六步三代皆當世文儒

邱府君墓

雲間通志在昌唐鄉以道里考之昌唐今仙山也

唐處士陸曇墓

在張澤西南廟徑

吳履震五茸志逸張澤西南一里許為廟歷年久木衝岸墮得一銘額乃唐陸處士墓志并序處士諱曇字文廣其先吳郡人也祖諱光父諱朋處士幼承嚴訓長有令望風義洋洋遠近欽矚經學至美筆法尤精不仕明時邱園樂道禍不讓善殲於哲人以開成元年寢疾至二年丁巳歲暮春之月四日終於私第春秋五十有二以茲年孟夏月廿一日安厝於華亭縣南廿五里村號荊塔以平原新塋禮也處士娶吳氏生四子長曰行肅次顧師次杜老次稜婆悉以童稚之年而知孝弟恐時移代變林隴彫摧刻石刊

輒承爲不朽銘曰浮生寄世電影難留嗚呼良士埋  
沒荒邱魂氣兮歸天形體兮歸墓親戚兮悲傷兒女  
兮號訴其石今藏種福庵中

### 戴府君墓

墓志 府君諱芳魯國郡人祖諱蔽父諱素府君素  
之第四子娶東海徐氏育子五人二女三男長子師  
顗次子師旭少子師敏府君溫良恭儉讓志惟清雅  
惟孝惟忠琴酒戴不仕何圖積善無徵凶暨春秋六  
十有三寢疾醫藥無效大化有口中和三年秋八月  
廿五日終至其年季冬之月初五日丁酉吉辰窆爲  
吳郡東南華亭縣北廿二里去張管墩五里莞沼鄉  
城山里進賢村洞涇西一百三十步新宅之東南而  
葬新塋禮也三男泣血二女哀號長子師顗等恐歲  
月久遠陵谷變移不託時世今乃刊甕爲記銘曰晚  
暉西落流水東馳存亡永訣逝者無歸萬古千秋墳  
隴巍巍是誰書雙鯉魚是誰讀雙白鶴鯉魚入探  
泉口口口口口 按元豐九域志曰華亭管十三鄉  
今考各志鄉保同其數無莞沼鄉唐吳地記云華亭

縣二十二鄉太平寰宇記曰舊十鄉今十七鄉則莞  
沼鄉當是十七鄉之一城山里今亦無其名考宋雲  
閒志至元嘉禾志皆稱城山在縣北二十里高八十  
丈周回五里舊圖經云山狀周環如城因此為名城  
山里當亦本此又  
按碑文多缺無考

宋章氏墓碣

在雲峯寺

三教遺逸趙孟頫墓

中峯志在府城本一禪院

元都水監護軍豫章桓敏公羅璧墓

顧志在華亭按璧字仲玉官懷遠大將軍

管軍萬戶兼管海道運糧至大二年九月終葬丹徒縣長樂鄉太山之原詳見程鉅夫神道碑此云在華亭未  
知所據

翰林學士潘瑱墓

在大五尚

府學訓導胡存道墓

在府學明倫堂後

明御史袁凱墓

通志在東門外賢游徑萬歷三十一年知府許維新立碣題曰明侍御海叟袁公之

墓崇禎間郡人顧懿德結廬於墓之東偏設像祀之董宗伯其昌題曰白燕庵

明諸生薛正平上許郡侯請立墓碣議按袁公凱

為御史所著詩當皇明草昧洗宋元之陋復觀大雅

即北地信陽皆推其為國初詩人冠公墓在東郭外

顧文僊猶佚諸志迄今未三百年墓柏摧為薪已尋

片石於荆榛中而不可得也今幸天下太平故父老

猶能言海叟墓數十年後或遷徙物故將與曩曩者

共化為牧豎往來之地而又安知其為公墓哉昔孺

子之墓至吳嘉禾中太守徐熙謝景相與樹碑種樹

而墓得以久延意其事亦循吏之不可廢者也父老

私言愚生曰今太守文而循必勒石吾袁公墓倘更

亭其旁使好古者歲時以濁酒

弔之庶風雅不至委諸蔓草也

布政使孫豫墓

在下橫徑報德儀院後

錢塘縣知縣葉宗行墓

在莘莊春申橋南

布政使王公亮墓

在柘林堡  
陳詢志銘

贈宣城伯衛炳墓

陳志在府城  
內北禪寺右

錢溥表公諱炳字文伍姓衛氏故左軍都督府都督兼事青之公諱炳字文伍姓衛氏故左軍都督府都督兼事青之公諱炳字文伍姓衛氏故左軍都督府都督兼事青之  
夫柱國封宣城伯充總兵鎮守甘肅穎之祖也公居  
松之華亭祖福父貴皆潛德弗耀生而異觀雄偉長  
髯豐頰膽略絕倫元季兵起乃奮自田里應募長民  
兵募水軍萬戶府時太祖龍飛惟甸豪傑雲集公往  
從之屢立戰功克湖廣平福建守潼關效勞甚多征  
四川下滇南收諸夷其名益振至論功受職每退讓  
同列而不較遇敵必鼓勇當先雖老不怯執爰三十  
年卒為隊伍長見其子青廣額豐頰有大略乃曰吾  
四征不庭未嘗妄殺以微功亦未嘗虜人子女掠財  
物為己有卒不沾一命而老矣汝其或者昌大吾門  
以白吾志乎即以青代之尋以年勞陞青荊州衛百  
戶從太宗靖難有功累陞指揮使當是時公亦受封  
為指揮永樂初卒於南京官舍卒年六十有一歸葬  
松城中祖塋之次其後青以窮賊妖寇陞左軍都督

僉事孫穎又以翊戴功進封宣城伯追贈三代故公  
與父貴子青俱贈特進榮祿大夫左軍都督府左都  
督追封宣城伯龍章錦軸照耀泉壤雖抑於生前實  
信於死後其施報之理如持券相付有不毫髮爽者  
非天道乎公配李氏贈伯夫人子男二長青次通孫  
男十一人長頤濟南衛指揮使卒次順皆讀書有才略  
次穎次頤次頤次頤次頤次頤次頤次頤次頤次頤  
孫女九人都指揮董善百戶楊宗都指揮國景指揮  
韓輔鄭福許端張愷鎮撫國俊千戶王雄其壻也餘  
在室其曾孫男十九人穎既領重鎮海承誥謂惟祖  
有善而弗彰非仁也彰而弗傳非明也以予鄉人也  
請登載其事於石余聞唐有馬璘援之孫也嘗讀祖  
傳歎曰使吾祖動業隆地下乎卒為中興名將劉宋  
有王鎮惡猛之孫也或薦於裕與語悅之曰吾聞將  
門有將自古祖有勳烈建牙當時必待賢孫振耀顯  
白以光史傳而照無窮若公之為祖雖不及援與璘  
之顯於其身而穎之為孫其功業所造蓋有過於璘  
與鎮惡之為將者庸并書之庶知穎之成功蓋有本  
於祖之所遺者焉是以為之表



汀州教授王端墓在三十保十畝

商輅志銘 天順元年十一月十五日卒享年六十

有六子蕉卜以明年閏二月奉柩葬於祖塋之次用

古禮遵訓也耳鳴錄載端謝事歸即築室墓旁居

焉時有門生應直指行部直至丙舍候問起居微探

公有所請託以為酬恩地公語不及私第云今值歲

荒民飢得請蠲免惠及一郡老夫受賜多矣直指如

教亟疏於朝幸而得請一時里老歡呼備禮踵謝公

悉謝卻之知公有右軍之好各籠一鵝放於墓田一

望盈白里中相傳有白鵝田即墓前

三畝地郡志偶逸其事青志收入誤

按察使張政墓在郡東門外附二畝

廣信訓導孫璫墓在蟠龍塘

按察司經歷姚衡墓在華亭界溪之原無錫邵寶志銘

御史周景墓在三十保

順天府尹吳玘墓 仲子棗強縣知縣鳳鳴祔在府東六

三年  
賜葬

贈太子太保吏部尚書張華甫墓 贈太子太保吏部尚

書張彥才張寬祔在漕涇沙脊莊簡  
公悅自撰墓志銘

南京兵部尚書諡莊簡張悅墓在盤龍塘十字廟南宏治  
十六年賜葬曹時中銘

南京兵部尚書諡莊懿張瑩墓在盤  
龍塘

李東陽志銘 公諱瑩姓張氏累官至太子少保南

京兵部尚書階至資德大夫正治上卿封至祖考妣

蔭至其子及卒有司具簡上為歎悼贈榮祿大夫太

子太保諡莊懿遣官諭祭賜葬於華亭盤龍塘之原

卒於宏治癸丑以丙辰乃窆公先世本揚州人從宋

南渡居華亭祖原壁父瓊鄉貢工累官淮府紀善俱

贈太子少保刑部尚書祖母岳氏母吳氏俱贈夫人

配衛氏累封夫人子二長景國子生次昱女一適義

官董麟孫二長豈次岌女三長受宣城伯衛氏家孫  
錚聘次受金山衛指揮范氏家孫某聘乃敘而銘之  
銘曰舊都在南帝屬郡輔公為尚書實贊留務世際  
重熙武偃弗服本兵壯強城府肅肅公在北陸摧堅  
折衝公在西曹詰姦制兇斂厥鋒銛歸於大體內修  
外靖循治之軌垂紳正笏越五六年華不外祿實則  
茂焉國有大臣先朝是遺胡天弗恤遽爾長逝生有  
誰教沒葬祭藉行易名式超恆制九峯之原實惟  
帝畿山環水迎以俟公歸穹碑哉  
我過必下馬我銘其幽以俟來者

贈禮部尚書朱孟墓 子按察司副使瑄孫南京禮部尚

書恩 附 韶墓在四十八畝萬歷四年賜葬恩子大

贈禮部尚書朱士清墓 在四十八畝

參政吳忱墓 在九保七畝

修撰錢福墓 在府東三里華陽橋太原喬宇志銘

禮部尚書諡文簡孫承恩墓

在蟠龍壩嘉靖四十二年賜葬徐階志銘

封濟南府推官李正墓

子御史人龍鴻臚寺序班人麟

附

在蟠龍壩又見青邑志侯考

巡撫右副都御史胡岳墓

在葉謝東南徐階志銘

臨江府推官俞琳墓

在莘莊廟涇之南

贈中書舍人包志墓

在十一保曹涇西

贈浙江按察使孝子馮海墓

在石匠莊

贈裕州知州林春墓

元孫霍州州判禎贈南京太僕寺

卿祥附

在附二畝

贈南京太僕寺卿林正隆墓

子太僕寺卿景暘孫龍安

府知府有麟附墓申時行志銘

學訓朱珙墓在柘林

余獻忠改葬助義碑記 嘉靖庚申春三月耆儒吳東林怡具疏請於衆曰怡華亭柘林鎮人也里中有先輩質庵朱公珙字良器成化間以貢任嘉魚江山兩縣學訓致仕歸有司舉鄉飲者數年卒與妻張合葬鎮之橫涇南已六十年餘矣其父昱號南隱嘗以小學教授里中鄉稱爲好人其弟瑛字良用號益庵亦善士也其妻某亦合葬一穴往歲巡按侍御尚公柘林築城適墓瀕城濠疏鑿相妨一時發掘暴露其家子孫貧弱不能掩藏五棺纍然道旁見者傷之怡實爲里中後進不忍坐令委棄溝壑思欲別爲改葬其費頗鉅怡亦冠後無家不能獨舉敢仰郡中賢豪長者共成義舉於是何君君良佐良傳馮君恩楊君子亨徐君陟各捐貲倡義郡中起而和者總若干人營治葬事質庵暨弟與二配改葬鎮之西北半里許竹岡東南隱公別葬上橫涇祖塋側俱在新城之外買石勒碑屬予記其事

布政使莫如忠墓

在御史徑

禮部尚書諡文定陸樹聲墓 子刑部右侍郎彥章祠

在北

城濠北萬歷三十三年賜葬第宅志云左有廬曰墓田丙舍堂中以朱文公耕雲釣月四字爲額公孫景元居

舉人吳潮墓 子贈戶部主事之賢孫戶部主事

國朝予諡節愍嘉允祔

在七保二十一畝潮徐階志銘

給事中贈光祿寺少卿楊允繩墓

在葉謝河西

御史包孝墓

在車墩沈愷志銘

太僕寺卿沈愷墓

姪紹文祔

在北城濠上徐階銘紹文李維禎銘

南京兵部侍郎蔡汝賢墓

在望湖徑萬歷年賜葬唐文獻銘又見青邑志侯考

龍溪縣知縣王鑄墓

在後岡陳家浜

後軍都督侯繼高墓 子指揮使

國朝予諡忠烈承祖烈婦周氏孫崇祀忠義祠世祿世蔭

竝祔

在衛城北

贈中憲大夫陸吉修墓

在三十畝

贈工部主事陳善謨

忠裕之祖墓在三十畝

布政司都事包林芳墓 子布政使文煥祔

在漕徑西

舉人陸從高墓

在莘莊

處士杜炯墓

在盤龍塘北又見青邑志俟考

虎賁衛經歷莫勝墓

在三十畝保十五畝

贈工部郎中王焯墓

在柳浮東

信陽州知州王坊墓

在三十保

諡烈愍按察使王域衣冠墓

在後岡鄉四畝

贈戶部尚書王錕墓

在九保十八畝沈文恪荃銘

王問仁墓

子貞簡先生贈大學士嗣響孫贈大學士藻

鑑附

在七保三十畝字字圩

國朝

封榮祿大夫貴州安籠鎮總兵張仕傑墓

在府北二里涇邵家樓東

通志云仕傑西安人入籍華亭

戶部尚書王日藻墓

在後岡南

太常寺卿高層雲墓

在張堰



高士蕭詩墓

在亭林十七畝

徵士吳光睿墓

在北俞塘

平海衛經歷劉士俊墓

在郡東門外

進士張王奭墓

在後岡戴家埭

鎮江教授張榮源墓

在三十六保三畝

兵部主事王廷機墓

在後岡十八畝

中書舍人王祖慎墓

在郡城東果子巷口范械士銘

贈奉政大夫謝鴻墓

子雲南景東同知穎元祔

五里塘北

贈文林郎林令愉墓

子廣東花縣知縣見龍祔

八畝

欽賜翰林院檢討胡寶璫墓

在一畝和祥浜

贛州府知府胡鼎蓉墓

在二里

長蘆鹽運使沈樹聲墓

在張澤四畝

禮科給事中王顯曾墓

在張堰十三畝

布衣翁春墓

在和祥溪知縣王勸題碣

宜昌府知府加道銜王春煦墓

在松隱錢大昕志銘

### 奉賢縣

吳大將軍宛陵侯諸葛瑾墓

陳志在十五保秦日橋西明天啓壬戌鄉民陳廷字樵其

處以所荷擔卓地卽墜入甕然有聲拾之不可得俯而瞰中黑宰發視有碑碣知爲瑾墓江南通志

國朝雍正九年知縣舒慕芬於其地得殘碑重爲立石

按吳志瑾以赤烏四年閏月卒於公安卽其喪東還何以葬於松又陸抗傳裴注引文士傳曰陸景母張承女諸葛恪外生或恪已見誅夷及三族瑾弟融及三子亦

死於南郡陸氏以卹婦之誼移葬瑾喪未可知也姑存以俟考

宋張澄墓

在十五保五畝澄號斗山邃易學負奇抱陳策政府弭寇減稅海鄉至今賴之沒葬所居巽

隅子孫七世稱焉贈兵部主事熊應卽南安守尉之父鄉自爲記

元隱士楊漁隱墓

在純陽庵東

隱士李稼翁墓

在黃山橋

隱士華雲林墓

在純陽庵前

隱士姚愚默墓

在衙水關

朱柯墓

在橫溪

貢師泰銘

紫陽蒼蒼道久彌光葉大枝蕃散於四方

華亭之裔實當四世潛德弗耀蔚有奇氣如彼樞

楠弗棟弗梁如彼椅桐弗徽弗張天賦之秀宜異之

厚胡嗇其祿又徵其壽子孫誥誥戢穀爾臻我銘有

徵視此  
刻文

兵部主事陸友仁墓在白沙村

明布政使陳禎墓 子國子監祭酒詢孫順德通判軌祔

在瑤涇明  
顧清志銘

義士王仁墓 子封禮部員外郎琰孫皋祔在干步涇東

方正學遺孤必昌墓在金匯塘西北列字圩長浜之陽董其昌題碣

隱士江暹墓在半岡側錢溥志銘

禮部郎中唐禎墓在蘆溝北郭志在金匯塘銘山費宏志銘

御史蘇恩墓在沙岡西

御史宋賢墓在十五保倪家橋

邵武府知府彭應麟墓

在浦南龍溪徐階銘

翰林院孔目何良俊墓

在半岡東

光祿寺少卿周庠墓

在潘塾坊表磨滅石獸猶存俗呼石馬墳

禮部郎中何良傅墓

在南沙岡海月庵西

兵部郎中唐自化墓

在庵港北沈愷志銘

贈大理寺少卿宋堯俞墓

在瑤涇馮時可志銘

子懋澄附

參政唐本堯墓

在金匯塘門人工部右侍郎金谿胡桂芳志銘

參政宋堯武墓

在巨槽東陸樹聲志銘

給事中鍾字淳墓

在陶宅西

按察司副使王明時墓

在干步涇側孫工部都水司員外郎鍾彥嗣

按察司經歷張之象墓

在望河涇東莫如忠志銘又見青志俟考

參議殷廷樞墓

在十五保二十四畝

刑部侍郎錢士貴墓

在浦東秦日橋海螺港內

高士王光承墓

在蔡家橋

國朝

嘉興府知府袁國梓墓

在莊行鎮南

侍講學士錢金甫墓

在十五保二十九畝

高苑縣知縣宋弼墓

在青村港東南

給事中徐賓墓

在南橋鎮北

蕭縣訓導徐基墓

子寧遠縣知縣湄耐

在十五保五十畝

御史張仕遇墓

在十三保三十九畝

旌表父子孝子汪思遵子顯曾墓

在十三保二十一畝

贈朝議大夫附貢生陳基墓

在十四保方十畝西光祿寺卿王鳴盛銘

贈辰州府知府陳遇清墓

在十二保二十一畝光祿寺卿王鳴盛銘

四川打箭爐同知陳文錦墓

在十三保三十九畝

婁縣

漢廬江太守陸康墓

大清一統志在婁縣西北二十里

吳丞相江陵昭侯陸遜墓

大清一統志在婁縣西北二十三里袁宇記崑山有吳相昭

侯陸遜墓

選曹尚書陸瑁墓

大清一統志在婁縣西北二十二里

大司馬荊州牧陸抗墓

大清一統志在婁縣西北二十二里

長水校尉陸叡墓

在縣西北十九里

征北將軍海鹽侯陸禕墓

雲間志在縣西北二十七里崑山之絕頂舊有征北將軍陸禕

墓碑今雖斷毀不全而龜趺尚存焉

墓碑

君諱禕字元容吳郡吳人也昔龜鳳啓符婚

顯考吳故左丞相口聲聞於海內君繫遠祖之懿緒

承洪族之清口嵩嶽降其神淵瀆協其氣是以景靈

咸贊奇姿挺桀合九口德指瓊雪口口行瞰雲霄而

口口口大業口經口口口口口口口口口口口口口口

屬峻節若夫敦經好古元口圖口財思口口口口口

神入幽芒之口口口口口口口口口口口口口口

也爾乃被褐林口口口口口口口口口口口口口口

口口口藪沈綱繞口口口口口口口口口口口口口口

之口口口口口口口口口口口口口口口口口口口口

中口口口口口口口口口口口口口口口口口口口口

口口口口口口口口口口口口口口口口口口口口

口口口口口口口口口口口口口口口口口口口口

口口口口口口口口口口口口口口口口口口口口

口口口口口口口口口口口口口口口口口口口口

口口口口口口口口口口口口口口口口口口口口

口口口口口口口口口口口口口口口口口口口口

名蹟志

冢墓



都尉五官郎中騎都尉遷黃門侍郎君克明口憲允  
亮納言口口口口封海鹽侯加裨將軍行左丞相  
鎮西大將軍事於時基辰口御江河異宗皇晉替平  
南境有口口口口口口則儒色溫口武弁則口氣莊爾乃  
撫戎廟算量敵口口口口北攻前口口口口口口口口  
口口口口口口口口彼場口憚威之口也及其委戈執口  
入賓皇儲若珍雅席講道論口口口口口口口口口口  
口口口口其口口口世俗方昏日月不照鳴梟口口口口  
狼競超恥甯武之伴愚厲祖考之烈口口口口口口口口  
口口口口以口口口口口口口口口口口口口口口口口口  
口口受侮以遐遷永蕭口口於積祀到太康之口口口口  
奮朝陽之羽口口口口箕子入周陳洪謨於晉字享年不  
永春秋知命口口而口夫口口君德口銘大勳口之  
通義人道之口事也君元子西曹章安二縣令奉車  
都尉衡仲子口口口口大夫口口掾口口子散騎口  
郎前將軍歷陽宣威二郡內史階仰堂構之遺蔭蒙  
析薪之口荷詠口口口口永恩感蓼莪口口口口口口山  
以代君命執轡以褒德庶同輝於日月垂永照於罔

極也乃作頌焉其詞曰  
皇綱不口天裂地口煌煌南基敢運北  
辰桓桓口口口命作口龍肅江口威響北振運否承  
泰六合口一帝鑒海獄求其隱逸將彈南冠入亮皇  
室我翼未揮口口口折何用不德命此執翰鏤金作  
頌億載不刊泰寧二年歲次乙酉十二月壬戌朔一  
日壬戌立按陸禕碑歐趙兩家俱未著錄洪文惠  
适隸釋云吳之谷明陸禕碑晉之序述鄧父碑皆體  
弱格卑已去黃初遠甚視熹平光和年所刻殆天冠  
地履之不侔蓋論隸體如此然亦可見其時文尚全  
也明通志云村人疲於征索遂碎其半而龜  
跌尚存今歷歲滋久并龜跌亦無迹可考矣

太常瀏陽侯潘濬墓在縣西北二十里吳志潘字承明武

郡功曹孫權拜為輔軍中郎將有功遷奮威將軍權  
即位封瀏陽侯遷太常赤烏二年薨不知何以葬此

晉後將軍司馬西陽亭侯陸監墓至元嘉禾志在府西北十九里

安吉太守陸景文墓至元嘉禾志在府西北三十里

平原內史陸機墓

在縣西北二十五里吳地記謂陸遜陸瑁陸機三墓俱在谷水西北二十五里

橫山中

大清

一統志橫雲山在婁縣西北

北與地紀勝

本名橫山唐天寶六載改名

東曹掾張翰墓

陳志在橫山東五里蘇州府志載入吳縣內云在橫山東五里陳志當時不知援據

何書疑亦蘇州之橫山至顧成天南  
匯志云在石筍里尤不知其所出也

唐黃州司馬陸元感墓

在崑山

墓志銘

君諱元感字達禮吳郡吳人也昔者舜嗣

堯歷播口初以闢門田育姜姓賓口王終而有國其

德之緒莫京於代曾祖祖慶梁官至吳令入陳三辟通

直散騎侍郎皆不就祖士季陳桂陽王府左常侍隋

越王府記室皇朝太學博士宏文館學士父謀道皇

朝周王府文學詳正殿學士並茂稱奕代餘慶資身

擢慧葉而增芳飛靈波而益濬去官辭辟詔默稱賢

函席曳裾文儒繼美君生而敏慧長而溫良識聰朗

而惟深體矜重而不野宗族愛而加敬鄉黨仰而愈

恭如以資宿衛解褐韓王府參軍事以丁憂去職服闋值國討狄軍出定襄戎幕擇才君為從事文武吉甫斯之謂與尋為婺州龍邱丞贊貳有能風俗時變遷睦州建德和州歷陽二縣令育人去殺訓物齊禮子游弦歌武城歎其焉用仲康鳥獸中牟稱其仁及尋加朝散大夫除黃州司馬到官未幾以神龍三年七月二十日遘疾而卒春秋七十有五天不與善神無福謙不其悲哉粵景雲二年三月初一日葬於崑山禮也初文學府君以擅班固漢書敕授舒王侍讀君少傳其學老而無倦此易所謂幹父之蠱詩所謂聿修厥德者也嗣子南金等哀號弗及孝思率至卜兆是營封樹特永憂陵谷之變託詞頌休銘曰簫韶儀鳳觀國賓王我祚光兮東有齊土南入吳鄉我族昌兮白君嗣業履素含章我譽臧兮內游藩邸外埽戎場我才揚兮為丞與兮令化洽三方我人康兮天子命我我朱孔陽佐於黃兮美志未極盛圖云亡訴穹蒼兮碩德休問地久天長永無

# 五代錢王墓

肅王在坐化庵西相傳錢鏐王墓按吳越備史武肅王以長興三年三月薨以應順元年正月

教葬於安國縣衣錦鄉楊凝式撰碑文安國縣卽臨安縣此必錢氏子孫居此而誤以爲王墓耳

宋屯田員外郎陳舜俞墓

邑志在白牛村湖錄云舜俞墓在蘇灣舊志未知何據

尚書宋端常墓

在橫雲山按端常淳熙進士明成化中墓爲盜所發顧厖有野人月黑偷金盃山鬼

天寒立葬

直殿將軍姚世榮墓

世榮汴人扈宋高宗南渡葬於橫山之麓子孫遂家焉又見青浦志

黃裳墓

墳志公諱裳姓黃氏家世儒科爲浦城望族曾祖愿祖希喆父端虛皆不仕自父游學始居雲間公兩

預鄉書以特科授初品官調邵武尉天台丞嘉定庚午十一月丙戌寢疾卒於家享年七十有三娶費氏

二男紘紱蚤世三女皆嫁爲士人妻孫中美公少孤自立篤志於學操履醇正不渝生而死德豐報裔尚奚

忍言卜以是年十二月庚申葬橫山之先塋二子耐焉中美謹泣血志墳塋進士吳容填諱按黃裳見

雲間志特奏名  
府縣志皆無傳

元夏世澤墓賢鄉

虞集志銘國家皇有東南者七十年內附之臣多  
矣求其子孫之有聞於世者蓋少而鄉里之間驟起  
驟仆何可勝數夏氏之家方盛而未艾豈非以其行  
義而得之哉故可銘銘曰吳有名邑介於江海人民  
阜繁百穀來會中有桓楹自我聖元表以大書義士  
之門其義維何早識時變起謁王師以保鄉縣旣安  
且輯治產有日不私其積紆衆之給年或大祲道饑  
如林食之活之庶盡其心朝以爲義酬以祿仕擇謝  
弗受深致斯美嗚鶴在陰其子和之好爵是縻人曰  
宜之一命起家關市海浦冠笏帶履歸拜父母轉理  
郡獄大邦實難哀矜拊循甚稱其官受知見用方自  
茲始除書在庭哀慕俄起鹽筴之司衆懼莫知慨然  
有行民作生祠旣曰歸休堂曰知止加錫命秩遂志  
膺社生長太平撫其曾元不伐不愆期頤歸全集賢  
之鄉旣寧旣宅視儀前人有述斯刻敢  
告夏氏報義不忘可以宜家可以永昌

貞素先生曹知白墓

子永祔

山在干

貢師泰志銘 至正十五年春二月五日壬戌貞素先生曹氏卒踰月己酉葬於修竹鄉干山之原從子遷係狀先生世裔行實來請曰慶孫甚幸承教叔父叔父死墓未得銘敢以其孫於菟請泰遊吳楚間久高先生之行遂不復辭按狀先生諱知白字又元號雲西先生世有諱齋者在唐中葉自閩之霍童山徙居溫之許峯沒族益蕃衍若文肅公叔遠文恭公幽皆其後也宋宣和十八世孫景修始遷華亭長谷之西景修生某某生從龍從事郎監行在倉從龍生潤之承信郎幹辦平江府糧料院潤之生德遠遠生先生先生生於咸淳壬申三月廿八日丙戌早孤鞠於母謝而教之成人則從祖教授君澤之也先生身長七尺美鬚髯性機敏善識事至元甲午詔遣中書左丞某公鑿吳松江先生以策從行功居多德成戊戌庸田使謝公行水復載填闕成隄之法民甚德之己亥丁母艱哀毀盡禮服除以大府薦教諭崑山意甚不樂遂辭去嘗游京師王侯鉅公多折節與之交章辟屢上先生悉辭謝曰吾聞燕趙多奇士庶幾見之

豈齟齬求官者比邪卽日南歸長谷中隱居讀易終  
日不出庭戶尤善黃老氏之學扁其居曰長清淨日  
窪盈曰厚堂曰古齋蓋於是超然有所得矣晚益治  
園種花竹日與賓客故人以詩酒相娛樂醉卽慢歌  
江左諸賢詩詞或放筆爲圖畫掀髯長嘯人莫窺其  
際也四方士大夫聞其風者爭納屢願交平居於姻  
族鄉黨矜恤惟恐後尤篤於友義若文士許應元李  
中劉世賢詩僧崇古生則飲食之死則爲治喪葬罔  
不曲盡其情焉學者尊之曰貞素先生有歌詩凡若  
千卷浦城楊公仲宏爲之序先生外和內剛寡嗜慾  
年八十有四風日清美猶杖屨閭里間鄉人士愛敬  
之皆迎謁環擁欣欣有喜色牟公成甫嘗稱其志尚  
清素有司馬子長之風侍書學士虞公記厚堂亦謂  
其尚氣義樂閒退皆足以知先生矣夫人河內李氏  
宋觀文殿大學士贈少保諱曾伯之曾孫先二十年  
卒子一人某女五人孫男三人長騶虞蚤世次於菟  
幼彪曾孫男二人女一人俱幼銘曰振鐸之封世別  
爲宗曰閩曰歐自南徂東有偉先生廩焉高風遐觀  
闊步元館儒宮旣介而通亦嗇而豐不倚於立不詭  
於從翼翼其心冲冲其容采山薇蒹涉水芙蓉菱歌



忽斷五湖三江有坎其藏琢  
石穹窿謚私而公靖節文中

張氏通波阡在通波塘上

楊維禎通波阡表 張氏出青陽歷漢魏晉唐爲顯  
官甲族代不乏人宋爲三葉衣冠者曰士遜稱橫浦  
居士曰九成無盡居士曰商英商英拜相後子孫渡  
江遂居杭之菜市有八世祖某游松愛于山之櫻珠  
灣爲隱地因結廬居之六世祖某號八七居士又自  
櫻珠灣遷鳳凰山陽之祥澤匯與其子通號于一居  
士開邱壑井以養其親遇冬雪埽隙地撒粟以食凍  
禽居士往來慈烏或有翼而隨者年九十有三終娶  
華亭陸氏生男顯築草堂號隱庵博涉書籍尤精梵  
典及星歷陰陽風水之術攻苦食淡如父風與儒釋  
倡和有詩偈若干首傳於鄉壽八十四終娶夏氏生  
男俊字晉卿其爲人廣額大耳美髭髯其聲如鐘自  
幼機警通史傳學尤長於法律中慈而外剛鄉閭以  
其拂諾爲曲直人負不平不之邑而之公鄉稱張片  
言性好施賑貧周急鑿義井創義舟建大石梁三壽  
七十終娶同里孫氏生三子長愷次梯三岳愷之子

曰龍曰鳳悌之子曰與曰旺瑤之子曰麒女曰妙齡  
適盧祥龍之子曰宗仁宗禮女曰淑清鳳之子曰宗  
義女曰淑寧與之子曰英麒之子曰彬曰桓麒嘗從  
予游每恨先裔成譜未修三祖之石未立大懼喪亂  
之餘彌遠彌失招致予過其家上其祖彖曰通波之  
原拜詩為三祖所表予以其積善之慶流及五世至  
麒而業益修門益大張氏子孫食其報者未艾也於  
是屬比其事書之於石而又繫之以辭曰張氏得姓  
出自青陽助之顯者曰韓之良柱下相君彌壽有蒼  
八世貴盛莫過乎湯茂先仕晉博洽是長商英子孫  
扈駕在杭實為鼻祖由杭徙松五世載德地匯其祥  
仁孝授受本同源長五世既昌八世莫京刻辭肝表  
用昭後慶

潘世英墓

在干山世英以御史薦從  
事閩中沒於安溪之亂

松江訓導王文澤墓

在橫雲山

奉議大夫前行臺侍御史延平路總管兼管內勸農  
事秦裕伯銘曰吁嗟王氏世篤吾仁紹樹儒術厥志

彌敦爲善弗報天道無聞天匪無聞享有後人

朱道華墓

在三十五保十六畝俗傳賴布衣所相地爲雲

氏孺人合葬墓

直學錢岳墓

在積善寺西

三高士墓

在干山東麓三高士者楊維禎錢惟善陸居仁也明正統五年巡撫侍郎周忱刻碑樹之府學

講堂西夾室而自爲之跋萬歷甲申華亭縣知縣陳秉誥封土修墓立三高士碑於其上今尚存

楊君墓志銘元之世有文章鉅公起於浙江之開

日鐵崖君聲光殷殷摩憂霄漢吳越諸生多歸之殆

猶山之宗岱河之赴海如是者四十餘年乃終溺終

召門弟子曰知我文最深者惟金華宋景濂我卽死

非景濂不足銘我爾其識之卒後三月吏部主事張

學暨朱芾等七人奉其師治命來請濂旣爲位哭復

繫其爵里行系而造文曰君姓楊氏諱維禎濂夫其

字也裔出漢太尉震震十八傳至唐分爲四院第二

院太師虞卿生堪堪生承休承休生品五季時錢氏  
有國品仕至丞相自譜為浙院品之孫都兵馬使洋  
徙浙水東又分為浙左院伴之子成隱居會稽諸暨  
之陽復為諸暨人君之十世祖也高祖文振曾祖文  
修以好善嗜義聞人呼為楊佛子祖敬父宏贈奉訓  
大夫知溫州路瑞安州事飛騎尉追封會稽縣男妣  
李氏追封會稽縣君宋丞相宗勉四世孫也當縣君  
有姓夢月中金錢墜懷翼日而君生大夫公摩其頂  
曰夢之祥徵其應於爾乎泰定丁卯用春秋擢進士  
第署台之天台尹階承事郎久之改錢清場鹽司令  
丁外內艱結廬於桐原墓族屬有醉墓者植竹筇於  
前筇發藥芽枝葉鬱如自是不謂銓舊者植竹筇於  
詔修遼金宋三史君作正統辨干言大司徒歐陽文  
公元歎曰百年後公論定於此矣將薦之又沮之  
者尋用常額提舉未上會四海兵亂遂浪迹浙西山  
水間及入國朝天下大定詔遺逸之士修纂禮樂書  
頒示郡國君被命至京師僅百日而肺疾作乃還雲  
間九山行窩疾且革移拄頰樓中呼左右謂曰吾欲  
觀化一巡如何乃自起捉筆換歸全堂記頃刻而就  
擲筆曰九華伯潘君招我我當往車馬俟吾且久遂

泊然而逝似聞數十人從函道登樓其步履之聲相  
接時洪武庚戌夏五月癸丑也年七十五及門之士  
上書於郡守林君公慶以封塋爲屬林君欣然從之  
擇地華亭縣修竹鄉干山之原以六月癸亥舉柩藏  
焉君初聘錢氏忽遺惡疾錢父母請罷婚君卒娶之  
疾尋愈繼鄭氏陳氏子男一人杭鄭出孫男一某女  
一君爲童子時屬文輒有精魄暨出仕與時齟齬遂  
大肆其力於文詞非先秦兩漢弗之學見諸論撰如  
觀商敦周彝雲雷成文而寒芒橫逸奪人目睛其於  
詩猶號名家震盪凌厲駸駸將偪盛唐驛聞之紳出  
鬼沒不可察其端倪亦文中之雄乎薦紳大夫與岩  
穴之士踵門求文者座無虛席以致崖鑄野刻布列  
東南隅然其風神夷冲無一物縈懷遇天爽氣清時  
躡履登山肆情遐眺感古懷今直欲起豪傑與游  
而不可得或帶華陽巾被羽衣泛畫舫於龍潭鳳洲  
中橫鐵笛吹之笛聲穿雲而上望之者疑其爲謫仙  
人晚年益曠達築園圃蓬臺於松江之上無日無賓  
無賓不沈醉當酒酣耳熱呼侍兒出歌白雪之詞君  
自倚鳳琶和之座客或囑囑起舞顧盼生姿儼然有  
晉人高風或頗加誚讓亟罵曰昔張籍見韓退之退

之命二姬合彈箏瑟以爲樂爾謂退之非端人情蓋  
君數奇諧寡故特託此以依隱玩世耳豈其本情哉  
性疏豁與人交無疑素賤而賢禮之如師傳貴而不  
肖雖王公亦蔑視之平生不藏人善新進小子或一  
文之美一詩之工必爲批點黏於屋壁指以歷示客  
尤不錄人小過雖奴負君金度無以償僞君書收券  
君笑與之家藏古名畫爲西鄰所竊其僕人追執之  
君曰吾業與之矣客有僞爲君文以冒受金緡或疑  
以問君曰此誠予所作也遠近皆知爲寬厚長者云  
濂投分於君頗久相與論文屢極元奧聞君之死反  
執拭涕久之念君之不可再得不敢孤所屬故具記  
其事而又爲些辭一章以代勒銘庶幾招君歸來矣  
乎其辭曰魂淵流金降空青些結英揚靈潰於成些  
獨騎鯨麟傷遺經些衮鉞是非嚴天刑些孰軋以摧  
勢相傾些瀆發厥辭益崇些流靈下春百內洽光情外  
些離方遯圓班部自寧些流靈下春百內洽光情外  
鸞鳥瀾天機呈些鐵甲荆戈百萬宵征些苔翹穎豎  
媚韶榮些籠絡萬象橐籥三靈些彈壓物怪晝夜哀  
鳴些九華丈人召還紫青些白鹿夾轂五霞耕些迴  
風脩脩雲繩繩些天人殊軌誰強撓些絳府雖樂母

淪洞冥些蓋歸乎來返故庭些翰林學士承旨知制誥兼修國史金華宋濂撰魏文靖公驥書志銘後右會稽鐵崖先生墓志銘一通蓋太史金華宋公所撰去今六十有五年其族孫宗義徵驥一言附其後驥弱冠時聞先生當元時年未三十而名已馳南北虞文靖公稱曰李白天才會修遼金宋三史朝廷議論未決先生有三史正統辨歐陽文公見之歎曰百年後公論當定於此矣今宋太史稱其文中之雄夫豈不信惟先生不尚峻絕之行且於時事直言無諱故人多忌之或目之爲狂用是卒不得大用然君子之所貴者豈係於用不用哉屬元季世與曲江錢先生南松江後二先生相繼沒知府林孟善卜地合葬於華亭干山之陽予官游松江時以先君子上高令嘗游二先生之門特拜謁其墓欲摩挲先生是石已不可得及物色志中所載其子杭孫泰來問諸故老皆莫知所之令人不勝悽然於父陽衰草閒者久之今何幸見有宗義而以是表襮哉是則先生亦可以謂之不死矣宗義讀書飭行其來殆未艾尚應爲先生推其昭穆宜嗣者擇而嗣之則又盛德事故并及之

倪贊過楊鐵崖墓詩 早歲登高第餘年樂隱居  
名真有在文字足為娛煙樹華亭鶴春波濠上魚

山埋玉處西望淚漣如

宣慰司使周顯墓

在干山後四十二箇

華亭縣尹郭也先不花墓

在橫雲山

鎮守松江萬戶府李將軍墓

在西林塔院左為洞涇李氏之始祖

天放老臣吳公墓

在干山三高士墓側僅存石碣數字不知時代姓名疑亦元末遺民附見於此

明養素先生任繼祖墓

子參政勉之曾孫長史順祐盤

龍塘馬駝巷婁志云當作馬童巷

蕭山魏驥志銘

先生諱繼祖字季倫養素其別號

先世四明奉化人曾祖松鄉先生元安定書院山長與趙文敏袁文清同時聲譽恆相頡頏大父子良仕元為兩浙鹽運司照磨始徙於松父伯威妣孫氏初



伯威早卒之嗣先生實松鄉先生之從曾孫有曰漁  
鄉先生之曾孫菊莊莊長興州學政之子承擇爲後是  
爲松鄉先生之嫡曾孫平居喜讀書篤於踐履家庭  
肅然訓飭諸子不倦子勉之進士數歷中外累官參  
政或有於先生語及賢能者先生略不爲意益貽書  
戒之晚年幅巾杖藜自適其適嘗語人曰士之爲士  
無間窮達當審進退不可同流合污以爲通不可矯  
時干譽以爲高循其分守其道惟日孜孜篋則斯已  
觀此言亦可知先生矣配沈氏提舉竹庭公女子男  
三勉助勤女一適方昞孫男八肅哲聰宏穆雍廣衍  
女七元統丙子生大明永樂庚子卒嗚呼先生之行  
已幾古人爲先生之可自致者全其天也先生之處  
則猶今人在先生之不可必者安其命也故或者以  
先生之抱負僅止於矜式鄉邦而止爲惜抑不知先  
生雖沒而有不沒者存法宜銘銘曰王不琢全其璞  
人之眞肆乃鑿繁先生混天成養之素克踐形逝不  
逝肅仰企高風存儀百世謬  
新阡馬駝原勒銘詩示勿謬  
錢溥撰參政墓銘 彼羅法傾我惟頌旌或貴而天  
我惟壽考君恩豈偏天厚以年內反諸身何愧於人

不竟後施良亦有以  
飲而歸之垂此來裔

顧清熙長史墓銘 卓彼薇庵文章政事敏其餘休  
以發夫子名和相望祖孫百年完節而歸無忝厥先

### 華亭教諭曹宗儒墓

橫雲原

陶九成墓志銘 先生字仲博號鶴林山人唐太和  
初其先慈福唐之鶴林徙永嘉許峯有以神明顯應  
王封享廟食者事見國史家乘宋宣和間二世祖又  
自許峯徙松江貞溪故今為華亭人高祖宋秉義郎  
監鹽官縣酒稅諱澤之力學尚農賁雄於鄉曾祖宋  
太學內舍登進士第迪功郎衢州司戶參軍諱應符  
祖宋宣教郎諱榮老父元建德路淳安縣儒學教諭  
諱慶孫實嚴陵邵氏子本生父宋文林郎處州儒學  
教授諱桂子娶司戶女宣教蚤世秉義命後舅氏中  
歲讀字書訓詁更名口碩學懿行學者尊稱為安雅  
先生娶承務郎循州路同知新州事橋李唐世延女  
先生生而穎悟不為童習儒染稍長於經史百氏書  
無不研極原委尤邃於春秋五傳習舉子業棄去隸  
古學問發為文章正大溫粹變化浩汗折節交當世

名士知府王致和縣尹張德昭舉茂才懷其膝弗上  
扁齋居曰愛日壹志奉養將終身焉旣罹憂棘丁時  
多故舊田廬罔克守授徒給食他所皇明洪武戊申  
翰林學士詹公同奉詔求賢擬以名聞辭免癸丑郡  
守王文貞薦送勸駕吏部試授松江府華亭縣儒學  
教諭邑庠先煬於其卽徐氏義塾爲之隱隘弗稱從  
而擴充加廣學制通備諸生執經考疑因其材質開  
導誘掖前後貢舉歲咸得上選府轄倉務庫局苟或  
閑員則用教官攝將命次訴諸通政使具奏禁止海  
內學校沽餽爲多乙丑夏沿牒會逮疾稍侵八月十  
七日客死京師年六十有九卜以卒之明年葬集賢  
鄉橫雲原道治命也娶廣元路同知新州事宜興岳  
薦孫女親迎至所館未廟見而卒繼邵武路總管新  
安汪從善文子二有娶陸氏以國子生二轉工部主  
事銜去娶先生性介直然不爲崖岸以峙聲名奉家  
誨几筵告秩感愴孺慕如平生待人一以誠交友遇  
知己傾肝鬲無疑貳會勝日鴈詠閒作酣極益慎恭  
讀書至宅忘疲余惟兵訖以來喬木故家荒落垂盡  
曹氏一族枝分條布衣冠趾美層樓質厦接棟連甍  
火風蕩劫之餘泔麻成墟敗垣習井荆蒿役人本支

不絕如綫係先生一人之身九京不可作矣曩僑其地託婚姻之好承慰藉甚至及茲典教又時得以文字相周旋乃序次其世裔梗槩而銘曰生不必究厥施死不必膠厥居運化莫詰式還其初橫雲之岡有鬱者墳吁嗟乎先生豈止於斯也邪而善慶貽於後昆

安遠縣知縣李寬墓

在洞涇周家坵寬原名可禮松江萬戶某之子中元至正浙榜第一里人

相傳爲解元墳

鄉貢進士李萱墓

在府城北荷祥涇任勉之志銘錢博表

贈太僕寺卿夏宗文墓

陳志作廣平主簿贈吏部郎中夏宗文

子太常卿衡

耐

在四十保彭家莊成化四年敕葬李賢表楊榮志

太醫院使徐樞墓

子院判彪

世孫太學生益孫耐

在

山西陳志宣德中敕葬御筆詩畫刻碑墓前御賜宮人陳氏內監袁亨陳福並隣墓側

編修楊珙墓

在千山與三高墓近魏驥銘

推府紀善贈刑部尚書張璠墓

在城南龜蛇廟側成化七年教葬彭時撰神道碑

布政使夏寅墓

在府西白龍潭北

泗涇李氏世墓

在泗涇南宏治中李東以母命營墓後子孫祔焉

封御史張能墓

子按察副使祚祔在河西

三御史墓

在北門外五里通波塘上

周紹節請封三御史墓啓郡治北沿通波塘而往廢家紫螺其最可傷者有三御史墓焉五里橋之側曰明監察御史何公配室恭止孺人之墓封樹已無才遺壙後爲耕鋤者剝蝕矣大灣之旁曰明監察御史唐公配室孺人王氏之墓唐公封藏未改孺人壙輒盡圯不久化爲平壤於其左又得明監察御史某氏之墓惜無姓氏可記二墓俱有碣石已斷倒於墓旁節親歷其地於荆榛中摸索三碑又訪閭里中人

云俱屬廢絕歸而考郡乘凡華亭之為御史者若干人何公有諱溥者由正統丁卯鄉科唐公有諱哲者由永樂乙未進士廢墓之或出兩公無疑也故敢編告仁人長者為封樹之萬歷壬寅具啓癸卯林有麟等捐資封識今復就圯是所望於後之君子

右都御史唐珣墓

在府城北荷祥涇宏治九年被葬劉健銘

黃州府知府陳章墓

在北俞塘

紹興同知陶永淳墓

在四十保彭家莊何景明銘又見青浦志俟考

雲南僉事曹鼎墓

孫兵部主事嗣榮附家浜曹時中表在四十二保傅

嗣榮徐獻忠銘

徐德成墓

在三保四區二十三畝卽文貞階高祖好行陰德世稱徐佛子

貞靜先生陳仲山墓

在官紹塘顧憲成銘仲山子善終身廬焉

裕州知州林濟墓

在四十保二區十七畝

副使張縉墓

在秀野橋北

咸陽縣知縣駱仁恪墓

在褚庵巷

貞靖處士李年墓

子訓導希賢弟封主事寅寅子雲南

按察使希顏竝附

在洞涇希顏顧清銘

兵部郎中王景墓

在通波塘

參政沈霽墓

在張涇西正德告身碑記尚存與父墳墓相去數武舊志云在洞涇新浜者誤

舉人徐旒墓

在蔣涇

副使富好禮墓

在祥澤匯

贈布政司參政馮達墓

在二里涇

大理寺丞馮恩墓

子通判行可耐

在西郊陸家浜後階陸樹聲碑銘墓門尚

存左日三朝寵錫右日四德流芳舊志云在古浦塘誤

鴻臚寺丞孝子馮達可墓

子荆門知州大猷孝子大京

耐在郎西新坊圖達祠可墓銘錢龍錫撰

處士馮大咸墓

在黃耳祠東

陽山縣知縣馮大受墓

在四十三保五岳墳王衡銘

光祿寺署丞顧正心墓

在三十保七

有道張大綸墓

在新涇馬世奇銘

贈少師徐賢墓

在一保十九岳賢文貞曾祖

贈少師徐禮墓

在四十一保文貞祖也相傳禮葬時已卜地谷陽橋內形家未定穴夢神告日明日



風箏陸處真穴也旦伺之果見風箏陸其紙有字云人  
閒亦自有丹邱遂葬之今稱風箏墓或云風箏紙乃仕  
籍第一

版云

寧都縣丞贈少師大學士徐黼墓

在景家堰南董玘志銘墓南有祠後移於丙舍

刑部侍郎徐陟墓

在鶴塘漚萬厓中故葬陸樹聲銘子中書球衛經歷評附

浙江景寧縣知縣沈可紹墓

在黃泥漕村

楚雄府知府徐琳墓

在鶴塘漚

太常寺丞徐炎墓

子爾鉉附在八

太常寺卿徐璠墓

在四十一保下四畝嘉靖中故葬姜寶志

太常寺卿贈太子太傅左都督徐元春墓

子錦衣衛指

揮有慶孫左都督本高附

在郡西白洋灘

國朝予諡節愍尚寶寺丞徐念祖墓

在呂國涇

舉人徐孚遠墓

在四十一保三十五十九畝孚遠父爾遂弟致遠鳳彩俱葬此

訓導封長沙府知府李霆墓

在呂國涇徐階銘

參政顧中孚墓

在金家灣張仲謙志銘

應天府推官陸應寅墓

子贈廣東副使從遠祔

在城北二里涇

御史徐宗魯墓

在包家橋北沈愷志銘

給事中張承憲墓

在天馬山東南之原徐階志銘

思恩府知府錢師周墓

在橫雲山

給事中夏時墓

在古浦塘陸樹聲銘按時字人正郭志作夏時正誤

鴻臚寺序班李豫亨墓

子紹文祔

在白龍潭

贈福建布政使張宗義墓

在城南黃耳祠後宗義子士毅葬城北二里涇

參政陸萬鍾墓

在李塔匯東錢村

主事徐三重墓

在三保

兵部郎中張明化墓

在尤壩里趙邦柱銘

通政使許樂善墓

在呂岡涇崇禎中敕葬董其昌志銘

蓬萊縣知縣贈大學士錢大復墓

在斜塘

編修高承祚墓

在三十九保七晉馮夢禎銘

禮部侍郎謚文恪唐文獻墓

在二里涇龍興橋北萬歷三十三年賜葬

王錫爵銘

元氣磅礴得剛則烈震爲風雷肅爲霜雪惟公遇之鬱然邦傑正色立朝昌言補闕不愧科

名不奪大節八載東朝啓沃獨切如海浴日若星從

月帝念崇勞卜兆賜穴鵠表龜趺金書玉節夜臺

月帝念崇勞卜兆賜穴鵠表龜趺金書玉節夜臺

從畫日若揭勒銘  
幽宮白虹橫巢

萬孝子墓

在北錢鎮

建寧府知府王善繼墓

在金家灣陸彥章銘

濮州知州張揚美墓

在秀野橋西

按察使朱本洽墓

在三保十五畝

右諭德張以誠墓

在珠橋鎮東南

大學士錢龍錫墓

在跨塘橋薛家埠

贈禮部侍郎張煦墓

在龜蛇廟南

布政使杜喬林墓

在二里涇

順天府尹王庭梅墓

在三十三畝

光祿寺卿許譽卿墓

在四十一保二十畝

封御史馮懋韜墓

在沈涇塘西陳沈村

封福建參政董玉柯墓

子中書象泰巡撫浙江僉都御

史象恆附

在花岡洪

予諡忠節吏部考功司主事夏允彝墓

在四十三保十三畝蕩灣乾隆五十

一年知縣謝庭薰立祠禁止樵牧

侍讀學士曹勳墓

在一保九畝重字圩

光祿寺少卿李沾墓

子湖廣上江防道懋祔

在和祥洪

吏部郎中徐丙晉墓

在三十五保二十五畝

行人張盼之墓

在西郊新橋西

國朝

西寧道張安茂墓

在郡西跨塘橋南薛家匯

按察使許纘曾墓

在四十一保三十五畝

內閣中書馮善世墓

在官紹塘十六畝

推官張一鵠墓

在西關外秀野橋北

浙江副使張安豫墓

子舉人世紳贈南雄府知府世

維祔

在胥浦塘

推官張若義墓

在干山

編修高曜墓

在三保三區二十九畝新宅

贈淮安教授黃維寧墓

在金家灣

廬州教授張守墓

在橫雲山西麓

左都御史王九齡墓

在莊涇

開化府知府吳文炎墓

在四十三保錢家橋

撫州府知府廖賡融墓

在四十三保七畝

江油縣知縣陸翼墓

在楓涇鄉南莊

汀州府同知邵成平墓

在三十七保八字橋

歸安縣知縣張道孔墓

子工部郎中忠震祔在胥浦塘

贈國子監學正沈天成墓

在機山

百歲老人莊興國墓

在小赤壁旁有墓碑康熙十年立

徵士陳愕墓

在錢家橋

戶部主事吳廷楷墓

在四十三保沈巷

贈通議大夫婁胃辰墓

在楓涇鎮北

平樂同知吳王坦墓

子靜祐 在四十三保十二畝泰浜

考授縣丞徐欽疇墓

在白蓮缺楊爾德銘

戶部郎中王圖煒墓

在小崑山

吏部侍郎王興吾墓

在橫雲山

孝子王發藻墓

在橫雲山

光祿寺卿陳孝泳墓

在一保三區六十四畝

贈禮科給事中陳天培墓

在崑山

高明縣知縣陳培墓

在一保一圖荷花灣



候選教諭倪思寬墓

在四十三保一圖上四畝積字圩薛家埭有祭田記

齊東縣知縣吳烈墓

在三十十七保十四畝子建七應斗旌表節婦汪氏附

左都御史吳省欽墓

在府西白洋灘王昶銘

柳州通判朱秀文墓

子施秉縣知縣履吉孫教諭光

曜附

在如塘秀文墓王昶銘履吉墓盧文昭銘光曜墓亦王昶銘知縣謝庭薰有墓田記

雷州同知凌存淳墓

在崑山

孝廉姜紹濂墓

在天馬山

婁縣知縣陳堯信墓

在三十八保九畝堯信仁和人沒葬於此子孫遂家焉

兩廣督標後營參將加左都督楊釗墓

在施家浜

贈都督同知壽春總兵改光宗墓

在郡南門大橋北光宗順天人官松江參

將時葬母城南後為總兵勦賊六安英山  
勞瘁卒於軍遺疏請入松江籍賜祭葬

### 金山縣

漢大將軍博陸侯霍光墓

在金山

按宋敏求長安志載

千村至明一統志乃云光墓在浮山縣北二十餘里

輔通志又云光墓在蠡縣城西皆誤金山尤不應有光

墓蓋因吳越備史記金山忠烈昭應廟而誤

宋趙王墳

在朱涇東北相傳宋南渡都臨安親王葬此其土獨黃

侍郎聞人鼎墓

嘉興府志鼎墓在德化鄉朱涇村鼎建之以子宏貴贈朝散大夫皆附葬侍郎部侍郎安道弟安遠

十七鄉內德化鄉永樂鄉皆管里皆有朱涇未聞割入府

境唯今朱涇與嘉興壤接當時或葬於此事或有之存以俟考

越國公謝奕采墓

在呂巷東南

懋四縣主墓

在謝家原謝復承合葬於此

鄉貢進士謝國光墓

在五保胥浦鄉墓有安節亭

京兆宇文公諒安節亭記 安節亭者晉太傅文靜謝公廿六世孫節齋先生之所作也先生之六世祖隱居華亭之南曰立極子孫因家焉先生諱國光字觀夫有雅量夙敏於學十三能作文宋咸淳癸酉領鄉薦薦明年上春官策問求賢所對愷切時賈似道柄國忌直言主司畏禍不敢取以例補太學生天朝一海宇遂潛德勿耀至元廿三年治書侍御史程公鉅夫承詔搜遺逸或以先生薦輒杜門稱疾且曰吾與其榮於身不若無愧於心日以經史自娛而已卒於至元乙酉遺命葬先塋之西名祭享之亭曰安節蓋其志也嗚呼宋社既屋文武遺臣位卿相者不可一二數獨文山文公疊山謝公起家科第知萬死不可一以風厲天下或官其子孫或立書院以奉祀非後代之所能及也先生一布衣諸生矢不渝節其亦可敬也已矧不沽不激得大易安節之義今其諸孫多好

修力學將復有以科目顯者是又安節之亨也其孫  
質晉與其弟良貞請發名亭之義刻石以垂永久且  
懼亭之久而或廢乃相與割田五十畝以規營繕故  
爲之書復效小山招隱悲歌以祀先生若有人兮谷  
之陽蘭爲佩兮蓉爲裳聲獵獵兮擅名場縱六轡兮  
馳康莊文八音兮五色進治安兮長策披歷歷兮忠  
肝橫流涕兮太息事既謬兮時又異遺紛華兮若蟬  
蛸苟榮身兮變初志寧安節兮內無愧鱸肥兮胥浦  
撥秋英兮汎芳櫓尚友兮淵明微夫人兮孰伍松醪  
兮青青歸來兮斯亭節旣安兮不朽仰百世兮儀型  
元處士殷澄墓在胥浦鄉登號殷佛子卒年七十七子四  
人曰實曰厚曰誠曰諲孫男五尚質尚節

尚白尚功尚賢曾孫八陞奎  
壁堂壁塾堅堅楊維禎碑銘

邵氏世墓在秋涇里墓  
有敬思亭

安陽韓性記略 敬思亭者邵君子猷之所建也邵  
氏家洛陽康節先生六世而南由丹徒徙雲間族葬  
於秋涇里至子猷四世矣子猷卽先塋爲丙舍以奉  
祀其祖父構亭扁曰敬思予聞而歎曰善矣夫邵氏

之名其亭也邱壟者先世遺體之所託望其連岡觀其率隧風樹寒泉之思自有不期然而然者嗚呼人孰無是心哉而世之人乃有厚於奉養而薄於墳墓者吾不知其何心其或過於華侈觀世示富而心實不在其先人者亦豈足為孝哉邵君於先塋為之室廬嚴其守護勤其展省奉祀之禮歲時不忘揭敬思之名於亭因名以表其心余知邵君之能孝也

處士邵天驥墓

在瑣溪同安村

義士呂良佐墓

在澁瀆之北原

楊維禎銘 路車無仲尼履升無伯夷義以勇卒以全歸曰貞曰惠匪諡乎私嗚呼嘻莫尊乎野而位者覆卑瑣之許栗之垂有過其墓而慕其人者讀我銘詩

陸應奇墓

在南陸應奇清獻先生陸正子也元末避居胥浦鄉

儒學提舉曹彥明墓

在干溪十首制字圩

明光祿寺丞褚文斌墓

在璜溪西原

贈工部主事姚璋墓

子孝廉奎贈太常寺卿壁贈奉政

大夫參授將仕郎井竝祔

在金山五保

參政吳霖墓

在張腰石皮街

高州知州鄭珪墓

在朱涇戚家街後

御史曹豹墓

在干溪皇圩沈愷銘

參政宋愷墓

在璜溪南

知縣王良佐墓

在朱涇歸源橋北

御史周鵠墓

在何家浜

詩人戚韶墓

在朱涇下圩徐階銘

義士陸獻之墓

在二保十二畝

處士朱菊坡墓

子舉人勳耐

在七保章家庫菊坡徐階銘勳沈愷銘

教諭朱煦墓

在七保十九畝

贈刑部郎中吳翰墓

在張堰慈孝河歸有光表

義士吳武墓

子韶耐在秦山之麓

刑部郎中吳梁墓

在張堰鎮西北

贈兵部郎中曹玉地贈郎中曹珏合葬墓

在陸泮涇長洲王鏊志銘

贈承天府通判吳軫墓

在廣涇東南曾省吾志銘

承天府通判吳丕顯墓

在鵝涇羅袁福徵銘

參政姚體信墓

在五保

解元莊允中墓

在朱涇下圩

處士單化墓

子副榜謙附

在六保七畝

贈戶部尚書王煒墓

在四十一保子訓導陸墓在其南

樂陵縣知縣陸承憲墓

在柳灣村

太常寺卿張明正墓

在柳港北太倉王錫爵銘

漳州府知府曹銑墓

子荊州府通判蕃附

在干溪張涇東莫如忠銘

提學副使方應選墓

在斜橋東

太常寺少卿吳穉墓特旌節婦贈恭人朱氏合葬

在墳溪陸樹聲

表撰墓

仙遊縣知縣張昂墓

在秀州塘三里鋪塘東



工部主事章憲文墓

在五保胥浦鄉

刑部主事章元衡墓

在苧蘿涇

運同曹鉞墓

在陸洋涇

長史章元復墓

在章家庫

贈文林郎張希曾墓

子知縣本嘉孫同知汝開祔

在瑞潭

贈中書舍人姜思學墓

在大橫潦涇北

刑部尚書姚士慎墓

在惠高涇西南崇禎十二年賜葬

南塘張氏墓

在鄉二畝三家村世祖成翁六世祖天寵黃道周題其墓道日

按張氏家乘係拱瑞七

清河世所

南昌府知府沈匡濟墓

在柳灣村

孝子張以訥墓

在七保八畝

文昌縣知縣張安恭墓

子雁平道世榮附

在橫潦涇

詹事府詹事楊汝成墓

在廿二畝長壽庵左

旌授將仕郎曹文豫墓

子承事郎麒附

在六保十畝

贈吏部郎中張元輔墓

在四十保

教授朱懋仁墓

在七保湯家角

奉天府府丞張拱端邵陽縣知縣張軌端合葬墓

在四十保鄉二

畝軌端子壻陳子龍撰誄辭

按察使張仲謙墓

在七保三畝

州判陳臯謨墓

在橫溪東

南安教授曹津墓

在六保沈涇

封兵部郎中俞明時墓

在浦口小橫潦涇

象山縣知縣徐履道墓

在七保長浜

諭德楊繼禮墓

在四十一保橫潦涇

兵部司務張密墓

弟曦附在小柳港

贈大學士王典墓

在五保三畝月字圩周潮

知州朱時璋墓

在七保八畝

處士吳鳳山墓

在橫潦村

工部主事李逢申墓

在朱涇南四保匯

大理同知黃庭鳳墓

在四十一保八畝

工部郎中單國祚墓

在六保七畝張肯堂銘

麻城縣知縣單恂墓

在六保四畝龔鼎華銘

贈兵部左侍郎沈昂墓

孫吏科給事中世襲錦衣衛百戶明和祖在松隱寺西

刑部主事錢大忠墓

在廟

主事唐昌世墓

子內閣中書子鏘

附唐在二保家庫

贈奉直大夫王沂墓

嗣孫靖州知州祖纘附在七保二

贈奉直大夫王湑墓

在朱徑鎮南

指揮僉事侯端墓

在秦山之麓郁文博表

指揮僉事翁紹宗墓

在衛城西北錢溥撰神道碑

指揮僉事西寧墓

在衛城東門外學士錢溥碑記周佩銘

指揮劉惠墓

在衛城西

千戶舍人周炎墓

在唐故浜

吳松總兵吳志葵碧葬墓

在璦溪朱彝尊銘

大學士前松江府知府方岳貢墓

在五保掘達涇

柳橋巡檢黃珏墓

在三保昆字圩

國朝

監察御史 贈大學士王廣心墓

在五保十一二畝出字圩南角

貞定先生吳欽章墓

在橫澆涇

處州府知府周茂源墓

在方一十七畝

封翰林院編修姚可權墓

在五保戴有祺銘

贈按察司副使姚宏燭墓在五保北

青陽訓導沈紹賓墓在大石村

旌表孝義曹燭墓在干溪十一畝

封翰林院編修曹爾埜墓在北保十六畝屠沂銘

臨江府同知楊黼墓在三里橋李清銘

南雄通判楊際亨墓在六里庵西編修周彝銘

贈中大夫吳士升墓 子翰林院侍講元龍孫太常寺

少卿廷揆附在四保七八畝

貞文先生林希顥墓 子貽贈翰林院編修子威附在

七畝

高士吳懋謙墓

在五保方

贈儒林郎徐嘉猷墓

子運判念肅孫是做耐

在港

武英殿大學士贈少傅諡文恭王項齡

賜塋

在五保方二三

尚宙字

御製碑文

國家誼篤舊臣禮隆良弼其有協恭夙夜克

慎始終懋宣

勸相之勞蔚著老成之望是宜絲綸誕賁琬

炎丕昭典至鉅也

爾王項齡性資端重學術淹通

聖祖仁皇帝拔自庶僚

登於詞苑超承講幄游登卿貳之

班綜轄冬官旋擢鈞衡

之任小心翼翼表儀範於羣工黃

髮蟠蟠為巖廊之元老

朕心眷倚宮傳優崇稠疊恩波顙

耆年而加渥懋辭祿位

頒手敕以慰留方予告之有期忽

沈疴之難起遣良醫以診

視命親王以臨喪贈秩賜金輟

朝加祭易名象行日文曰

恭於戲三事久登綸閣猶傳風

度九重寵錫泉扁長荷輝

光傑峙貞珉用垂無斁

雍正四年

月

日

涓川縣知縣張世綬墓在小掘石湮

內閣學士楊瑄墓在六保草塔頭

永康縣知縣沈藻墓在新運河東三十八畝

訓導周纁墓在九畝顧家浜

編修姚宏緒墓在南陸

贈儒林郎姚宏詔墓在五保釣魚浜

舉人黃秉均墓在張堰南舊港

封翰林院侍講廖鳳徵墓在沈帶灣

徵君焦袁熹墓在四十保鄉二畝桐城張文和廷玉銘

太僕寺少卿張棠墓在秦山西北陳文簡元龍銘



封刑部尚書張彙墓 子刑部尚書諡文敏照孫衡永

柳桂道應田

在橫潦涇文敏墓  
門人沈德潛銘

詹事府詹事王圖炳墓 孫己卯舉人憲曾祔 在七保

畧光字圩

裴婆廟

進士蔣麟墓

在張澤  
二畧

候補郎中贈翰林院編修王詒燕墓

在五保一畧洪  
字圩蔣元益銘

候選國子監典簿王詒穀墓

在五保方二三  
畧中洪字圩

封翰林院編修舉人張維煦墓

在朱涇  
張家浜

文淵閣校理翰林院編修王嘉曾墓

在七保十一二畧  
光字圩裴婆廟

編修張起麟墓

在四保  
九畧

進士楊錫恆墓

在查山東

舉人王圖焯墓

在張溪北垂字圩

漢興道姚培和墓

在五保二十畝

編修曹鑑臨墓

在干港九畝焦袁熹銘

編修張夢徵墓

在朱涇

舉人何宏統墓

在三里橋西

刑部員外郎姚培益墓

子應山縣知縣念曾祔

在八畝

屯留縣知縣焦以敬墓

弟訓導以恕子化州知州紹

祖祔

在鄉二畝

贈御史張宮墓

子之普祔

在鄉一畝

贈中憲大夫徐佺墓

在二保生字圩

贈奉政大夫楊國訓墓

在沐漚港西沈文恪荃銘

贈儒林郎楊金貴墓

子臨清同知剛中耐

在沐漚村

教諭楊德藩墓

在黃沙石橋黃之雋銘

司訓楊升墓

在秦山南嘉興錢陳羣銘

贈儒林郎姚培位墓

在五保

文林郎沈烈墓

節婦楊氏合葬

在大石村

贈徵仕郎王祖燕墓

旌表節婦許氏合葬

在三保七畝

解元沈戍開墓

在呂巷鎮南

刑部郎中徐榮壽墓

在四保

戶部員外郎程亮祖墓在下

贈中憲大夫范甫霑墓 子工科給事中械士祔在五保方

二三爵秀水錢戴銘

薦舉孝廉方正馮敦忠墓在四十一保橫潦涇南

贈侍讀學士吳澄墓 子侍讀學士樹本祔在五保方

裴婆廟

孝廉方正王元會墓在胥浦南

寧波府知府王紹曾墓在三十

當陽縣知縣焦紳墓在鄉一畝

御史程維岳墓在十四畝

上海縣

宋參知政事錢良臣墓

在靜安寺東舊傳盤龍普門寺側古冢為錢參政墓後為里人張雕

盜發有志石乃參政妹惠淨封孺人生一男五女破棺顏色如生衣冠亦不朽

忠勤公徐萬一墓

在二十二保法華庵側據王祖詩集徐

不應在此今庵西有萬一園亭舊址存之俟考

孫長者墓

在三林塘積善寺東宋紹興間長者捐田建積善寺

林樂耕翁墓

在三林塘積善寺南宋元間林氏分居東西稱三林樂耕其一也

元上海市舶司提舉楊國材墓 子江浙行省中書壽祔

在龍華寺左

江浙行省中書僭使秦知柔墓

在二十七保淡井里陳志作裕伯誤

浙江權使秦良顯墓

子隴州知州裕伯祔

在二十八

齒長  
壽里

處士王泳墓

在龍華

元王逢壽藏銘 處士上海人名泳字季孫姓王氏  
宋進士日輝之曾孫元故鎮江儒學教授遷衡山主  
簿鑄之子也性愛易自號靜習或問靜何習輒對曰  
習不由靜未會學也先是衡山君卒遺命以庶弟奉  
其生母處士悉昇舊田宅而所居地僅數弓廬十尺  
冬夏一裘葛日蔬飯晏如也配沈丹徒尹烈孫女生  
一女適邑儒吳某一子上瑒門生劉緇冠履昆季為  
買龍華之原營壽藏處士角巾藜杖消搖青松間而  
歌曰賢何物兮壘是室兮吾其願畢矣抑亦二三子  
之力兮歌闋長嘯而返閒謂沈曰吾死貧無以斂特  
汝得為黔婁妻妻不既賢乎沈曰妾老尚續圖媛老  
計妾不願如黔婁氏之妻也聞者多之至是請予壽  
藏銘予以高朗令終處士其庶幾哉銘曰  
生斯游死斯藏古賢達是方雖晦也孔光

章齊墓

王逢梧溪集齊卒年三十七子一  
名庠以鄉里道梗葬上海奧原

處士俞箕墓

在十七保北橋南據廣志箕字元紹先世汴  
人宋建炎南渡始定居嘉禾祖父俱顯仕明

洪武元年卒葬於祖塋  
之次土人謬為袁崧墓

張沈瞿趙四姓始祖之墓

在二十六保按張氏有名鐵  
一者宋宰相商英之孫南渡後

借沈瞿趙三姓由嚴陵徙居上海高昌里近龍華寺後  
人遂為龍華張四姓以義相結契生同居死同葬歷五  
百餘年子孫繁衍科第蟬聯發源於此墓前有石碑題  
張沈瞿趙四姓始祖之墓十字碑側有元朝遺址萬歷

重修  
八字

明戶部侍郎顧或墓

在慶寧  
寺旁

孝子顧敏墓

在縣西門  
內旁有庵

遼府典寶喬彥衡墓

在小南  
門內

韶州府同知許進墓

在北門外桂香橋西

贈承德郎劉伯初墓

子禮部郎中琛

附在北門內

參政蔣性中墓

在鷺賢湖

長史李伯璵墓

據李氏世譜在二十一保陸道浜南匯志在邑城西門外誤

副都御史甘肅巡撫唐瑜墓

在周涇北宏治九年賜葬李東陽銘

東昌府知府王佑墓

在法華北三涇

贈中憲大夫戴瑄墓

子順慶府知府春

附在十六保三十一畝

福建參政李澄墓

湖廣布政使李清墓

在陸道浜

處士朱木墓

在三十保華漕里

南昌府同知朱佑墓

在斜橋北



清江提舉朱曜墓

在斜橋北

福州府知府朱豹墓

子贈奉政大夫察卿祔

在斜橋西南

大理寺卿王霽墓

子江西參政泰祔

在陸道浜南宏治十年賜葬洛陽劉

健銘

贈承德郎董思忠墓

在楊家浜俗呼金鉤釣月按邑志作董遺安遺安思忠字也

廣南府知府顧英墓

在郁家宅東陸深銘祝允明書

建寧府知府劉璵墓

在西門內大境下

御史董綸墓

子大理寺少卿恬知府忱祔

在竹園西

贈光祿大夫董華墓

子光祿大夫悌祔

在竹園西

工部員外郎劉福墓

在周涇西

贈通議大夫王顯忠墓

在周涇宏治九年賜葬按邑志作王良臣良臣顯忠字也

參議張穀墓

在北門外顧清銘

肇慶府同知王俊墓

子太平府知府佩附

在虹口

知州陳賓墓

在慶寧寺東

副使張鳴鳳墓

在龍華

贈中憲大夫談甫墓

子山東副使詔附

在二十五保榆木涇南

沅江府知府瞿霆墓

在洋涇陸深銘

贈通奉大夫沈鑑墓

子四川布政使恩附

在三林塘北

僉事曹閔墓

在十八保三十二箇

副使唐錦墓

在周涇崑山朱希周志銘

參議張萱墓

在高昌鄉曹湖涇  
孫承恩銘王寵書

蘇州知州董懌墓

子贈通議大夫繼芳祔

在望海塘

南京都督府都事董源弟嵩明州州同洵墓

在俞莊北

處士陸德衡墓

在二十四保二十四番德衡號竹居隱於農賈閒蓋陳寔郭林宗一流人為陸氏發

祥所自其曾孫文裕公深撰文立石

贈詹事府詹事陸璫墓

在洋涇之北原孫深自為文刻墓道璫有五子四子竝祔其一名平

即深父祭酒趙永志銘

詹事贈禮部右侍郎謚文裕陸深墓

子贈中憲大夫楫

孫石阡府知府郊祔

在二十四保文裕墓嘉靖二十四年賜葬夏言銘楫陸樹聲銘郊李

維禎銘

懷慶府推官劉兆元墓

在方浜後歸有光表據文集增

禮部侍郎贈工部尚書張電墓

在淡井里嘉靖三十五年賜葬

光祿寺少卿顧從禮墓

在赤日港北王世貞銘

贈承德郎張鼐墓

在斜橋西顧清志銘

刑部主事張鷟墓

在斜橋西陸深志銘

鄆陵縣知縣張鴻墓

旌表孝子同文耐

在二十五保十三畝

南京刑部主事趙綸墓

在三林塘

贈資政大夫潘慶墓

在西門內方浜南

贈資政大夫潘奎墓

在肇嘉浜北徐階銘

左都御史贈太子少師諡恭定潘恩墓

子陝西提學副

使允哲祠

在陳涇廟西萬歷十一年賜葬

溫州府通判潘惠墓

在肇嘉浜北王世貞銘

四川布政使潘允端墓

在龍華申時行志銘

慶陽府通判潘允達墓

子典簿元升孫署正煥隆附在肇

嘉

贈奉政大夫張鯨墓

在二十五保談字圩

僉事張鵠墓

在二十四保新涇

參政戴邦正墓

在望海塘朱大韶銘

封朝議大夫趙龍墓

子河東鹽運使子儀附在俞塘南

都司斷事董繼恩墓

在望海塘

貴州巡撫張鳴翼墓在二十六保長橋陸樹聲銘

溫州副使張泰階墓在二十六保長橋

鄧州知州顧名儒墓在潘生橋北

貢生張泮墓在西門內遊擊署西

荆府典膳李序墓在十六保十一畝

王府教授張敏中墓在斜橋北

海澄縣知縣瞿寅墓在社壇西

封工部侍郎董體仁墓在望海塘萬歷三年賜葬

南京禮部侍郎董傳策墓在十六保新河徐階志銘

光州州判董傳性墓在新河西

工部郎中龔情墓

在語兒徑陸樹聲志銘

通政使趙灼墓

在斜橋徐階銘

贈承德郎顧嶽墓

子尚寶司丞名世祔

在洋

中書舍人艾大有墓

在二十八保十六畝

中書舍人艾廷機墓

在廿四保副八畝

布政使喬懋敬墓

子遊擊將軍贈都督同知

國朝予諡忠烈一琦孫南京都督同知贈太子太傅桓祔

在龍

華北

贈提學副使王熠墓

子參議圻孫思忠思義思孝祔

在

十保東

沙浜

象山縣知縣倪南英墓在十六保三十八畝

僉事俞汝為墓在龍華西文震孟銘

參政侯堯封墓 子贈吏科給事中孔詔孫吏科給事中

卹贈太常寺少卿震暘曾孫左通政峒曾副貢生岐曾

附在二十三保園沙董其昌文震孟志銘旁有節孝阡

附建昌徐芳有葬議

苑馬寺卿王文炳墓在廿七保五畝

華亭貢生莫是龍墓在淡井里

保安州知州李安祥墓在十六保十畝

太常寺少卿陳所蘊墓在高昌里董其昌銘



工部員外郎朱家法墓

在淡井廟南

山東布政使張所望墓

在龍華江慶伯志銘

處士陸浙墓

子贈文林郎標孫諸生熿大寧都司都事

炫祔

在長溪北浙與標俱唐錦志銘熿秦嘉楫志銘炫循吏王楫登為作傳

浦城縣縣丞陸析墓

子靖江教諭明揚孫諸生起城祔

在廿七保四崙

西蘆浦之北

副使黃體仁墓

在廿四保白蓮潭

應天府經歷黃兆蘭墓

在廿七保一畝

贈光祿大夫徐緒墓

在肇嘉浜南

贈光祿大夫徐思誠墓

孫中書舍人驥祔

在陸家浜北

大學士贈太保諡文定徐光啓墓在廿八保徐家匯崇禎七年賜葬查繼申銘

贈通政使張翼翔墓在廿七保六畝

贈通政使張政平墓在廿五保十三畝

封奉政大夫陸萬春墓在廿四保黃浦淞南

滄州道僉事陸燧墓在廿九保中新涇

贈徵仕郎陸煉墓 子光祿寺典簿璧孫辰州府推官晉

錫祔在廿四保廿四畝

贈通議大夫董鶴年墓在朱家港

贈通議大夫董嘉相墓 子吏部侍郎羽宸祔在語兒涇北

行人司徐百朋墓在廿八保十九畝

贈通議大夫董晉墓

在竹岡西

禮部郎中趙東曦墓

在二十四保九畝

御史王國材墓

在二十四保十四畝

贈中憲大夫張令德墓

子建寧知府元玘祔

在孫家灣

贈奉政大夫朱家風墓

子工部郎中長世祔

在二十八保龍華北

贈中憲大夫何三德墓

子廣東按察使萬化祔

在鸞寶湖

東閣大學士張肯堂高曾祖三世墓

在北橋墓門尚存錫表芝函四字董其昌

書名俱無考

教諭張元瓏墓

在二十七保八字橋

贈中順大夫何應恢墓

子贈中順大夫峻德孫兵部員

外郎

國朝予諡忠節剛耐

在沙岡東

兵部郎中徐天麟墓

在二十九保五畝

參將翁英墓

在北橋西北

興國知州周汝誼墓

在二十四保黃溜溪西

詹事府主簿顧九錫墓

在龍華姚涇黃洪憲表

尚寶少卿王國棟墓

子太僕少卿世美耐 在三林塘

隱士莫秉清墓

在二十二保陸家行南

上海縣知縣杜鎰墓

在縣西鎰在任十八年卒葬此今名杜家灣

張縣丞墓

據澤國紀聞在陳籊桶橋東北今無考亦不知其名

國朝

推官朱在廷墓

子績溪訓導與琮附在二十五保十五畝

推官朱在鎬墓

在廿五保十三畝

封文林郎曹六龍墓

在北門外周涇東

國子監博士孫大經墓

在廿四保副十五畝

封奉政大夫張在簡墓

子泰安知州錫樸孫國子典

簿永岳曾孫蕭縣教諭家爽歸化知縣家鑑附

在廿九保五畝

贈奉直大夫張令名胞贈奉直大夫令譽墓

在廿六保廿八九畝

兵部主事張宸墓

在廿六保十一二二十七畝

追授吏部左侍郎晉贈光祿大夫張淇墓

在西三林塘

贈奉政大夫周明璵墓 子司經局洗馬金然祔在廿四保

貴七

黃浦營守備贈都司司起龍墓在大南門外

學正張永銓墓在靜安寺後

教諭李瀚墓在漕河涇

上海訓導無錫華宋時墓在西門外宋時康熙四十二年在卒葬此

教諭張書紳墓在靜安寺

內閣中書陸懋恩墓在廿七保四畝

贈徵仕郎徐以濟墓 子檢討學柄祔在廿六保十四畝

淮北監掣同知金應元墓在大南門外陳家橋

贈文林郎朱鉉墓 馳贈文林郎銘贈奉直大夫鎰祔

在廿四保二十  
畝小洋涇南

泰順縣知縣朱國源墓 弟安州知州雲林子刑部主

事銜臺灣縣知縣岳楷祔 在二十四保二  
十畝小洋涇南

贈文林郎曹垂玘墓 在龍華  
寺北

贛縣知縣曹炯曾墓 在箕  
笠渡

馳贈文林郎李用粹墓 在五里  
橋南

太常寺所牧候補員外郎曹錫黼墓 在小  
馬橋

馳贈通奉大夫晉贈振威大夫喬英魁墓 在浦東沈  
家橋北

贈通奉大夫晉贈振威大夫喬恩墓 在廿四保副十五  
畝白蓮涇北嚴家

西橋

贈通奉大夫喬起鳳墓 子湖南巡撫光烈孫西城兵

馬司副指揮鍾霍附 在白蓮涇北嚴家橋西光烈桂林陳宏謀志銘

贈振威大夫喬起麟墓 子浙江提督照附 白蓮涇北嚴家橋西

贈贈武顯大夫喬起龍墓 在晏公廟北

贈通奉大夫石埭教諭陸瀛齡墓 子贈通奉大夫舉

人秉笏孫都察院副都御史錫熊附 在十七保四畝瀛齡紀昀撰碑秉笏

錢大昕志銘錫熊王昶志銘

贈贈奉直大夫喬鍾沂岷州知州鍾吳墓 在白蓮涇

泌陽縣知縣黃文蓮墓 在廿二保廿四畝



教授徐秉哲墓

在廿二保九畝

靈川縣知縣趙傳紀墓

在潘生橋北

浦江縣知縣薛鼎銘墓

在廿八保虹橋南

贈贈榮祿大夫趙宏璧墓

子贈榮祿大夫紳耐

在廿二保

十七畝

戶部主事贈光祿寺少卿趙文哲墓

在二十二保十七畝乾隆三十八年

子祭葬

贈贈奉政大夫趙文鳴墓

在廿二保三十九畝

贈中憲大夫李士達墓

在龍華西

梧州府知府李宗袁墓

在廿七保三畝

岳州府知府李心耕墓

在廿六保十四畝

贈中憲大夫徐丙南墓

子四川建昌道長發祔

在二十保

三十畝

贈中憲大夫朱銘墓

在廿四保副十五畝白蓮涇南

贈贈朝議大夫朱鏐墓

在廿七保五畝

成都府知府趙秉淵墓

在廿二保八畝

射洪縣知縣張位中墓

在廿四保九畝

贈贈奉直大夫李朝采墓

子贈奉政大夫鵬冲祔

在十

六保三十二畝

封中憲大夫朱之淇墓

子工部員外郎朝源祔

在廿六保

廿六 晉張家塘  
南陸錫熊志銘

贈奉直大夫朱之潤墓

子封奉直大夫朝棟理問朝

桂祔

在廿四保副十  
五晉白蓮涇北

贈奉直大夫朱之渭墓

在廿四保十三  
晉白蓮涇南

贈朝議大夫朱朝相墓

在廿四保十三  
晉白蓮涇南

贈奉直大夫李秉智墓

在廿四保白蓮  
涇北曹錫寶銘

候補員外郎李煥墓

在廿八保  
吳松江北

贈奉直大夫黃霖墓

在廿二保  
十五晉

贈奉直大夫黃衡松墓

子贈奉直大夫雲章理問

雲師祔

在廿二保  
十八晉

贈奉直大夫黃恆松墓

在廿二保十四畝

候選光祿寺署正朱木墓

在廿七保五畝

南匯縣

晉左將軍吳郡太守湘西伯袁山松墓

在周浦十畝乾隆壬申邑令陳焱重

修吳地記在橫山東二里按府境橫山唐天寶六載

易名橫雲與吳縣之橫山異稱廣徵唐末人云墓在橫

山是屬蘇不屬松也唯山松遇害為其將李祥收葬滬

城與周浦相距甚近國殤埋骨事或有之吳地記與歷

代紀載均不合至青浦志以為在松宅已屬未考

顧從禮因新江鄉土山題為袁墓尤不足據矣

陶將軍墓

在周浦瑞安橋北亦袁部將

李將軍墓

與袁墓相望將軍即袁部將李祥

宋詩人儲泳墓

在周浦匯龍橋國朝乾隆中邑廩生王澤深等具呈請丈重立界碑

儲游墓

在周浦網船浜上卽泳弟

太常寺少卿王迪墓

在下沙鎮南

知臨江軍鮑廉墓

在十九保九十九畝

浙西漕司丞李遂墓

在十六保竹岡世傳爲金雞墳

元贈少中大夫瞿君用墓

在新場永寧寺後

信州提舉司潘達墓

在南三竈北

孝子徐誠墓

在長人鄉貝瓊志

兩浙都轉運使瞿霆發墓

在鶴沙鎮西北

附墓志銘略

皇慶元年二月二十六日兩浙都轉

運鹽使瞿公卒於松江上海下沙之里第得年六十

二歲明年四月葬於祖塋之東至正七年去公之卒

三十五年矣而墓碑無文子時舉大懼先德之遂泯

右以故浙東廉訪副使臧夢解所為狀屬同僉太史  
院事楊瑀來請銘乃為銘曰悔隅選兵孰捍以寧  
民破業孰奠以生公既靖之復還定之我食我衣  
或薦饑出粟賑之哺餒以糜遂肉我瘠孰不惠懷  
臣林公導之以見再叩天階渥恩錫羨皇帝有旨  
護而家汝知盤策往乘副車海多大風潮水暴溢  
離魚潰莫保室公力拯之皇褒以秩正持使節有  
赫其光浙河以東天舊札荒公時推澤出貲散給  
厄萃通歲賦兼集民有頌言徵公不少留廷命來  
之勞之宜爾耄期以衍以頤公不少留廷命來下  
悟禪理無但於化若堂之墟龜峙螭蟠追刻穹石  
世永傳應奉翰林文字登仕郎同知制誥兼國史  
編修官張翥  
撰楊瑀書

明饒州府知府陸文旺墓

在泰日橋鎮有碑碣

遼東都司斷事陸繼皋墓

在井亭港

廣西桂林府通判倪邦彥墓

在黃泥徑

刑部主事倪家泰墓在二龍港

隨州知州朱璘墓在鹽鐵塘東陳家灣

贈太常寺丞趙博墓 子太常少卿松祔在十七保

工部侍郎談倫墓在鶴沙王鑒志

參政儲昱墓在三林莊唐錦志銘

南安縣知縣王佐墓在下沙東蔡懋昭志銘

贈禮部左侍郎張森墓在二十保九畝

恩州府知府蔡懋昭墓在周浦塘

刑部員外郎唐懽墓在十六保十六畝

南京工部郎中李昭祥墓在十六保十六畝

滄州知州孝子李安祥墓

在十六保十  
黃蘆港東

封奉政大夫華鯨墓

子刑科給事中秉中祔 在十保

雲南布政司經歷華允傳墓

在十六保八箇

宣城伯衛璋墓

在十九保  
杜家行南

懷遠將軍黃縉墓

在十九保  
九十九箇

處士杜自然墓

在杜行

杜昌意清釐墓田碑記  
齋公灝埽曾祖父母祖父母之塋

余年十四五時隨仲父盧  
大理公至玉簫公八代均葬杜村正南公時隱公葬

周浦自然公葬杜行鎮竹莊公葬上海閔行鎮西夾  
溝惟自然公之塋各房子孫寒食尚能會同祭埽餘

皆荒迷莫考心竊痛之迨乾隆丁丑始同族兄含山  
展省自然公暨高祖以上至十世祖塋順至西夾溝

尋訪竹莊公之塋雖僅存一抔而碑石猶在維時力



不能爲徒深悼歎不謂餉口四方三十餘年長房經  
管之祭產化爲烏有白廟港六代祖塋亦爲族中不  
肖盜賣每魏公重修五代祖塋祇以作客日多無從清  
釐嗣見韓之勝欣慕亦不勝慚愧姻好王秉乾聞  
年而訪得之原之日茲事可託顧次愚先生從弟卽登  
門力懇復有姻好朱策芳爲顧君高足既知吾家各  
祖塋坐落又悉私相買賣之人兩君熱腸視同己事  
自壬子至甲寅三年開六代祖塋次第贖回且將五  
世叔祖筱城公祉元公暨高伯祖塋子才公墳田一  
均得復業整理立石以垂不朽王君指引之功顧朱  
二君維持調護之力沒存銜感各塋均有田地自三  
四畝至二十餘畝不等統用足錢八百五十三千零  
每年租息除兩賦外足資祭掃舟楫之需卽於世譜  
內逐一注明區畝號數追桑榆仍當竭力訪查倘有  
杜村八世先塋余雖景迫桑榆仍當竭力訪查倘有  
志未逮亦望子孫善繼吾志以慰吾心夫謹家牒而  
守先塋子孫之責也惟墳墓祭祀之有託故以子孫  
不絕爲重吾家自三十二代祖邠國公以上至安平

公九世之大塋在陝西咸寧縣少陵原司馬村自安  
平公以上至御史大夫建平敬侯十五代先塋均在  
長安咸寧界內惟御史大夫長孺公葬茂陵幽州刺  
史務伯公葬章武卽今順天府大城縣當陽城侯葬河  
南偃師縣邾國公先葬應天府宋城縣仁孝原卽今  
河南歸德府商邱縣邾公五世祖校書公葬蘇州高  
祖史館修撰正夫公曾祖太師公祖吳國公考韓國  
公均葬浙江山陰縣永昌鄉苦竹村南宋紹興辛酉  
中原淪陷邾公元孫思昱潛往宋城奉遷公與晉國  
夫人之靈歸葬山陰祖塋而二十五代祖太常致和  
公二十四代祖大理菊隱公附葬宋城塋地屢經黃  
水漫淹淤沙深厚無迹可尋矣因記清釐墓地之由  
而追敘之亦冀吾子孫及同族弟姪輩共悉祖宗葬  
所他日仕宦經商得至其地留心訪求而封植之也  
嘉慶甲子四月

封南京工部尚書杜宗翹墓

在白廟港西  
陸彥章銘

封工部尚書杜時騰墓

在十六  
保八畝

浪穹縣知縣杜時登墓

在杜家行唐文龍銘陸時可表

南京工部尚書杜士全墓

在白廟港東

授奉直大夫杜士基墓

在十保

授奉政大夫杜龍章墓

在急水港

授奉政大夫杜龍璠墓

在井亭港

贈布政使艾洪艾元美墓

在十保

通政使艾可久墓

在十七保十二畝萬歷中賜葬

磁州學正張瑞墓

在十六保沙岡口海瑞銘

贈中大夫喬鏜墓

在十七保三十畝張位志銘

雲南副使喬木墓

在十七保二十畝沈一貫銘

湖廣布政使司右參政李伯春墓

在十六保十六  
畝陸樹聲志銘

興府典膳倪鏞墓

贈光祿寺署正淑贈文林郎伯達附

在十九保五十三

畝淑墓徐階銘

平樂府知府朱允墓

在鹹塘東  
十五畝

御醫王潭墓

子鴻臚寺序班學詩附

在八  
竈

贈奉政大夫王偕春墓

子長史觀光附

在十  
七保

行人司司正王乾昌墓

在六  
角亭

上杭知縣陳正中墓

在五十七畝  
南界河北

惠州府知府王逢年墓

在橫  
河

參議朱正色墓

在沈莊塘  
畢自嚴銘

中書舍人喬拱宸墓

在十保

參議喬拱璧墓

在廿八保張瑞圖志銘

鹽運司副使喬拱宿墓

在八龍港

禮部郎中喬煒墓

在十七保諱貞默志銘

工部員外郎顧允貞墓

在急水港徐光啓銘

刑部郎中李繼元墓

在巨漕口

布政使朱國盛墓

在行頭鎮東

贈太常寺卿葉銘墓

子蕃春祔在新場鎮

副都御史葉有聲墓

在十九保

特賜通判施一化墓

在十九保唐文獻志銘

太常寺少卿張元始墓

在朱籬桶港北

僉事陸昌蝦墓

在坍石橋文旺墓東

滕縣知縣

國朝予諡節愍瞿騫墓

在張江欄北

贈文林郎顧國憲墓

子給事中其言耐在三竈鎮南

中書舍人贈太常少卿

國朝予諡忠節李待問墓

在十六保十六畝

祀忠義祠舉人張錫眉墓

在新場雷音寺西

欽天監博士

國朝予諡節愍陳于階墓

在十九保二畝

名蹟志

塚墓

予祭葬中書舍人張翌墓

在十九保六畝

黃口章墓

在南匯城西閔為輪集日章崇禎癸未武進士甲申戰沒劉河求其遺骸不得其子姓具衣

招魂葬之

國朝

賜祭葬贈工部侍郎諡忠節葉映榴墓 子沂州府知府

葉孫內閣典籍鳳毛耐

在十九保七十五畝

御製碑文 朕惟褒忠所以勸臣節卹死所以勵生存惟其抗志不渝全操罔玷斯隆名紀於竹帛顯號渙於貞珉國典有常君恩益渥爾葉映榴性行端方才猷練達起家常吉游歷歷曹郎簡拔司衡克興文敘泊督糧於楚渚值弄兵於潢池蠢茲凶徒敢行劫制爾乃身與白刃為鄰志竝青霜彌勵篆章密識遺表潛裁徐慷慨以捐軀竟從容而致命既從優卹仍跪忠魂屬時邁之式臨觀遺孤於道左感懷往事儼英爽之猶存載考彝章俾聲稱之永賁是用

重申綸綽特與易名爰立豐碑諡之忠節於戲表忠扶孝  
典從其厚而非虛取義成仁名比諸存而孰重覩此殊恩  
之建愈知大節之光康熙三十二年十月立

給事中朱紹鳳墓

在下沙北

贈資政大夫施大謨墓

子贈資政大夫紹夔附

在十九保

十九

贈資政大夫施大誼墓

子贈資政大夫紹著孫

福建總督

賜諡清惠維翰附

在十九保三十畝維翰康熙二十二年諭祭葬

南寧推官李延桀墓

在十六保

贈庶吉士朱維垣墓

子錚附

在周浦



戶部主事朱錦墓 子淇孫薪元薪元子大本祔在沈莊塘

西沈墓

志銘

兵部主事閔峻墓在沈莊北

封編修顧昌祚墓在一竈港

贈中憲大夫施練墓在十九保三十三畝

贈中憲大夫施維禎墓在十九保二十九畝

大同府知府施維訥墓 子湖州府通判念祖祔在車子港

授蔚州知州改授員外郎葉芳墓在七十畝

贈內閣典籍葉子房墓在七竈八十六畝

秦寧縣知縣王肅墓在三十畝

贈吏部左侍郎張方墓 子贈吏部左侍郎耀邦附孫

刑部尚書尚文墓在其東

在莘涇

賜祭葬兵部左侍郎張集墓

在北四龍太倉王挾銘

贈編修蔡之筆墓

在八圖

宗人府府丞蔡嵩墓

在七圖

左都督邱景超墓

在沈沙港

莆田縣知縣曹泰曾墓

在橫河北

進士王鎬墓

子孝廉學洙附

在十七保二圖鎬弟歲貢生鏞墓在五圖

訓導李琮墓

在十七保八圖

侍講顧成天墓

在十九保六十三圖

工科給事中曹一士墓在橫河北

贈兵部左侍郎凌起潛墓 子侍郎如煥孫萬安縣知

縣應蘭附在下沙東

贈朝議大夫凌元芳墓 子贈朝議大夫康附在八

贈編修朱鑑墓 子詹事府少詹事良裘附在周浦東

鳳翔府知府朱琦墓在沈莊塘西

左都御史朱椿墓在沈莊塘

河源縣知縣黃槐墓 弟林子熙寧附在二十保十三

贈順天府府尹吳燧墓 弟贈光祿寺卿宗亨附在十

永仙塘

贈順天府府尹吳啓秀墓

在豐家橋

贈順天府府尹吳成九墓

在二窰北

贈贈庶吉士顧鴻烈墓

在趙老灣

贈奉政大夫張行文墓

子體乾孫大金耐

在三窰

贈承德郎候補州同知周德治墓

在三窰港北

郿縣知縣周乘柄墓

在三窰港北匪龍橋

候補布政司理同周爰墓

在三窰港北登龍橋南

封朝議大夫朱之灝墓

在北蔡鎮南

贈奉直大夫于公桓墓

子世煒孫布政司經歷士達

耐

在十保

內閣中書張熙純墓在二十保三

舉人劉應璧墓在閔家灣

贈修職郎趙一忠墓 子訓導炳融附在十保

青浦縣

孔子衣冠墓在郡北六十里海隅鄉慧日院側按前志云孔氏二十二代孫潛僑寓於吳所瘞壁環簪

佩及先聖衣冠處明嘉靖開里人夜發孔墓土石堅不可鑿忽聞中隱隱雷轟遂膽落而遁先是墓地不屬公

占代從雷氏輸糧後貧不能支自負聖像至府懇之賈郡伯惻然不安遂復新聖像免其地稅

漢濮陽王墓在小蒸西四里尊鄉贅筆云墓旁隙地半畝

歲舉鋤見青氣自下騰上去土三尺獲古錢萬餘其製不一以鐵條貫之文曰五銖曰半兩曰貨泉意即漢陽

所藏計二千餘年矣按漢書內無濮陽王之封且濮陽在今山東兗州境其墓不應在此存疑俟考

穎川太守陸閔墓

通志在華亭西北四十里按宏績長子閔乃宏八世祖顧志改稱南郡都尉以

宏閔音同

而誤耳

笮融墓

大清一統志在上海縣北亭鄉按吳志融丹陽人初徐州牧陶謙使督廣陵運漕曹公攻謙徐土

蕭條融將男女一百口馬三十匹走廣陵今北亭鄉有笮墓涇涇旁有高隴世稱為笮墓云今按融與潘濬皆

他郡人不知何以葬此

吳丞相嘉興侯陸凱墓

在縣西北三十二里

晉侍中陸士光墓

在縣西北四十四里

太尉陸玩墓

相傳葬鳳凰山按晉書玩卒給兵千人守冢七十家太康中以玩有佐命勳先陪陵而葬

特置典平官屬以衛墓側又按吳地記云雞籠山在吳縣西三十里晉太康二年司空陸玩葬此山掘地得石

鳳飛去今鳳凰墩是也以郡地當之恐誤

唐曹王墓

在小蒸有港卽以曹墳名按唐以前無曹王惟太宗第十一子曹王明貶蘇州刺史後梁開平

四年封昭靈侯廟食吳中或當日卒葬於此然史無明文姑仍其舊以俟博雅者考之

顏氏墓

陳志在小蒸有古井皆顏魯公石刻梅樹一株蓋數百年物也

貝州宗城令顧謙墓

在北亨鄉崧子里

唐故朝散郎貝州宗城縣令顧府君墓志 公諱謙字自修其先吳郡人季歷丞相肅公之後也漢魏以降蔚爲茂族史詳載此得略而述焉大王父諱希揚登州軍州事衙推王父諱彭堯州司戶參軍先府君諱行大宣州寧國縣丞先太夫人吳郡陸氏公卽先府君冢子也體質魁梧風神朗秀溫其珪璧凜若松筠粵在綺紈資性端敏卷舒進退逾於老成早舉明經三禮二科洞達微言貫穿精義獨行不合時流所排晚節以談笑曳裾歷諸侯上客魏帥何公一見若平生交表公高才請宰劇郡繇是褐衣拜貝州宗城縣令公以戎虜之地民俗驕悍非鳴琴可齊實展驥仍乖理張翰之扁舟企陶公之遐躅漸有勝地雲開

故鄉約隱鴻冥藉光晦迹其有巖廊彥士山島逸人  
每披霧見天開雲睹雉莫不高山仰止如不及焉噫  
人皆知麟鳳之爲瑞而不知善人爲瑞也必鍾於後嗣非  
政當路於時元龜不泯於將來盛德必鍾於後嗣非  
造物者大誤彼蒼生之不遠乎嗚呼夢感兩楹繫生  
二豎以咸通十三年歲次壬辰六月二十八日丁卯  
啓手足於蘇州華亭縣北平鄉崧子里之私第享年  
六十有七先是公於第十一月二十四日乙卯灼龜析  
想焉明年歲在癸巳十一月二十四日乙卯灼龜析  
著姑遂先志窆於茲原禮也夫人宏農楊氏貞順婉  
約閨門楷儀精爽撫孤罔不適禮俱滁州全椒縣尉  
先公而逝女一人適明州象山縣令張夔男六人長  
日寰杭州鹽官縣尉次曰台常州晉陵縣尉次曰占  
房州館驛巡官試左武衛兵曹參軍次曰實鄉貢明  
經次曰滔次曰潛皆在嬰幼唯實與滔口之允咸能  
處人接物孝弟持身動惟直方靜必溫克奉詩禮之  
明訓在邦家而有達是使聯榮清塗列羽霄漢有後  
於魯斯其比與女二人長適吳郡張聿之明經出身  
解褐蘇州華亭縣次許嫁吳興姚安之登童子學究  
二科再命爲東宮舍人率皆禮樂名儒簪纓盛族公



之中外姻表輝映當代不可一二言也嗣子衰欲嗣  
續之不泯感陵谷之或遷泣血哀號請銘幽石恭爲  
銘曰豈弟君子兮如圭如璋鳳鳥不至兮麟出罹殃  
彼蒼不仁兮曷爲其常甘泉候竭兮匿骸摧光孤博  
酒血分行路悽傷青鳥告吉兮寧神高岡按新唐  
書地理志貝州屬縣無宗城舊唐書地理志武德四  
年平竇建德置貝州九年以廢宗州之宗城經城來  
屬此碑稱貝州宗城縣尤足爲佐證又碑稱華亭縣  
北平鄉崧子里以今鄉保考之當是北亭鄉也又女  
一人適明州象山縣令張夔女二人適吳郡張聿之  
次許嫁吳興姚安之惟張夔不著郡邑疑爲同里又  
張聿之銜稱明經出身解褐蘇州府華亭縣尉與宋  
雲開志知縣題名所載張聿名相同惟多一之字耳

黃池縣令朱氏墓

雲開志在縣北七十五里海隅鄉淳熙

縣令朱氏葬於崑山縣全吳鄉孔子宅之西南按天  
寶六載始立華亭故其時孔宅隸崑山全吳鄉也

宋尚書右丞朱諤墓

陳志按諤賜葬平江陽抱山旁有永  
嘉庵卽澄照寺其家稱功德院載蘇

志舊稱奈山普照院西為謬墓非也乃其贈公所葬地耳

贈太子少保朱承進墓

在奈山普照院西按朱氏家譜承進本什人五代時避地吳越三遷

至華亭積德行善生子六人皆訓以儒術族遂以大迄宋亡仕宦不絕墓地乃林秀才業少保與奕勝而得之仍以五十千酬其直沒因葬焉孫諤既執政賜普照院以奉承進香火舊志因以為謬墓考譜諤墓賜葬平江陽抱山與蘇志合當以為正承進墓至今猶存上有垂絲柏一株甚鉅

將仕郎揚州助教衛公佐墓

在奈山按張修墓志在府學先賢祠

贈大中大夫禮部侍郎衛膚敏墓

在奈山湖錄在弁山戴鵬此云奈山未知所據

京西路計度轉運副使直祕閣朱彥美墓

在福泉山

樞幹杜九成墓

孫青龍直學可久曾孫容州教授英發

附

西霞世譜在杜村九成正獻公五世孫英發墓楊維禎銘

何執中墓

在四十一保濮陽王墓前顏氏居後有古井泉甘美故號甘泉中有執中墨刻遺蹟故相傳為

執中墓

樂靜先生曹澤之墓

在小

方回銘 樂夫樂以有守靜而樂所以壽諡不以爵以德齒是之為不朽

聰道人墓

在余南嶺下

重遷志銘 康定二年正月十九日擇汀上人創建塔廟於余山西峯聰公道人墳後至慶歷七年十二月二十一日塔廟成遂遷葬於南嶺之下以行狀請銘懿德以識其葬師諱德聰姓仰氏姑蘇張潭人也七歲捨家入杭州慈光院十三受具戒於梵天寺既而志樂禪寂參求知識密契心印太平興國二年歲次戊寅來抵雲間尋船子祖師遺蹤邑人范仁龍與弟姪偶獲禮足乃選勝地命師居之因住是山之東峯焉茅茨不翦室劣容身未嘗沐浴唯好晏坐人未知識也一日有禪者造之因觀經卷懸之舍下塵積

且厚遂問之曰此佛經也人皆看之師獨如此何也  
乃笑而答曰若人之讀書信既知之矣可再讀邪嘗  
曰古人貴行吾何言哉其他問者皆默如也因是人  
始奇之咸平中天旱人飢盜且作矣室屋四面竹木  
實繁潛有取者而二虎衛之不可得也師或經行常  
前後似如馴養人益奇之或遇冬月雪深則閉戶四  
五十日清風凜然無敢叩其室者有劉氏子北亭鄉  
人素嚮其高節捨財欲廣所居師堅不從乃止至天  
禧元年二月旦日自言今歲將去不住此矣耆老留  
住默然不答以是歲七月朔六日坐滅至十三日容  
貌如生俗年七十四僧臘六十二縣尉劉泳施俸錢  
率戶人於山之西峯構方墳全身以安之今近塔廟  
而遷遵毘尼制也秦虎吞諸國火天下書會昌滅浮  
屠法廬比邱居及其興也勃然若日月之照世故可  
陵夷者迹也不可滅者道也聰然若日月之照世故可  
邪銘曰言簡彌深行清而孤方高無級師之行道與  
歷戊子閏正月錢唐西湖石函寶勝蘭若傳天台教  
沙門靈鑑撰住持沙門居禮徒弟居樂居慶登仕郎  
縣尉張世英朝奉郎守殿中丞知縣兼  
管勾煎鹽貨公事武騎尉宋宜立

元浙東宣慰副使任仁發墓

在駱駝墩

護軍鎮國上將軍福建宣慰使都元帥江夏榮敏公費察

墓 子平江等處運糧萬戶拱宸孫世襲萬戶雄竝祔

在鳳凰山陸寶原墓有瑤芳亭趙魏公書扁

牟獻志銘 始予聞江海間人人喜道費佛子事已  
心異之予友趙公子昂間語予此吾姻戚也不幸今  
且葬吾嘗次其事狀願有以銘昔朱文公記其外姻  
特稱張佛子然則善人當得書況趙公之言類無不  
信乃敘而銘之公諱察字子壽湖州長興人贊嘉興  
劉氏因家焉後又家於上海自號耐軒老人至元辛  
卯十一月五日忽索紙書遺言俟然而逝年七十有  
三曾祖實祖顯父佑先娶劉氏次姜氏宋氏一子拱  
宸孫六人英雄俊傑福孫安孫以三十年三月葬銘  
曰於維費公允篤且宏始事海邦有勞有能講去其  
害豐施薄征視海若塗視民若身調護一方不有厥  
成易節以老閭里與榮沒而見思陰德在人鳳凰之

岡梧桐實生鍾慶趾美在公子孫尚公  
之初弗替益勤底其粉楨維永長存

蘭溪知州飛騎尉武義縣男章夢賢墓宅在崧里

揭溪斯志銘  
青龍崧宅里者自江南章氏系出浦城居松江之上海  
登仕郎惟聰登仕生宣議郎知秦州如皋縣瓊如皋  
生迪功郎溥迪功生夢賢字思齊是為義士君義士  
者以至順元年浙西大水朝廷募民能賑粟五百石  
以上者爵有差君出粟二千餘石而敦詩書好袍惠重  
其門也君孝友通練儀觀偉然而敦詩書好袍惠重  
賓客至元中用論薦家歷襄陽等處營田提舉建  
康等處財賦提舉以母俱喪惟兄儲用使文又多  
疾乃棄官終身不仕事其兄如父遂白兄買田置義  
莊以給宗族鄰里之不能婚喪及窮乏者建義塾以  
教鄉黨子弟之賢者其兄沒撫其孤如子闔門二百  
餘口未嘗有短長之言泰定三年以子貴授忠顯校  
尉大都宣課提舉元統三年進奉直大夫婺州路蘭  
溪州知州飛騎尉武義縣男配楊氏封武義縣君至  
元四年正月二十七日無疾而卒春秋七十有四

月甲申其孤奉政大夫浙江等處財賦都總管府副  
 總管元澤浙江財賦副提舉孫振孫嘉興路海鹽州儒  
 學教授裕孫和寧路儒學正容孫及定孫寧孫斗孫  
 陵孫女四人孫男九人女九人奉柩葬里中之西浦  
 原先塋之左六年冬以書幣至京師請銘銘曰世為  
 相族家本德門門族義士爵列封君宗族稱孝鄉黨  
 推仁有子振振有孫說說冠紱彬彬  
 天以厚於其身匪厚其身以篤吳人

孝子衛謙墓

子德嘉附

在宗山謙號山齋楊維禎銘謙弟謙墓亦在宗山按湖州府志

崇德縣志俱載謙墓應考

周之翰墓

在神山之翰字申叟潛心易學遠邇宗之隱居神山邵亨貞銘其墓

孝子金子安墓

在會仙浦西

義士夏椿墓

在細林山

鄧文原墓志銘 松江故華亭邑其地多上腴自鴟夷子皮浮游江湖以善居積致累貲鉅萬故俗喜矜

富通歲夏氏以義聞於鄉御史周君景遠為作義士  
碑徵其文而君之為義尤信去年春予以泉事之松  
江甫識君蓋魁然無他崖異者及今而其孤世澤等  
以吳興李道坦之狀來請予遂矜而銘之銘曰是為  
義士夏君之藏君非能梯榮弋譽垂組銀黃而豆區  
之入惠周翳桑彼仕者之於民若越人視秦人肥瘠  
者亦獨何心哉故為義者恩常施於不報名益遠而  
彌彰雖死猶不忘也嗟嗟夏君歸安於神岡垂慶千  
祀過者尚勿毀傷

進士詹奕墓

在山在余

杜公墳

在五十七保琴村北青浦志作杜祁公墓按歐陽公祁國正獻公墓志銘公以嘉祐二年二月

五日卒其子訢以其年十月十八日葬公於應天府宋城縣之仁孝原王圻舊志作杜公墳祁字係新志所增

悅道處士陸怡墓

在山在余

湖廣等處泉貨少監陳勇墓

在青龍南



錢唐錢大有墓

在余山慧日院大有全袞父也通志有碣題曰錢氏祐之墓

宣慰使曹斌墓

在泰來橋斌琴村兵曹氏之祖

處士顧友實墓

在陶蕩浜處士隱居松宅與陶九成楊鐵崖為友家有芸閣倪雲林為寫芸閣校書

圖墓碣陰文裕深書

蔡光祖墓

在趙屯光祖福建建陽人宋儒沈曾孫至正中避兵唐行鎮九世補葬於此

姚氏墓

在余山之陰按王逢書遷葬事略云姚本汴人徙杭至元海鹽學諭仁榮者少孤贊華亭彭氏因

家焉子碩字實甫於延祐甲寅春抵越訪得曾祖承宣諱日起葬所并祖保義諱銘之銘函由是悉遷余山元

統初考妣沒亦附葬焉

彭素雲墓

在神山

處士俞道善墓

四世孫彥達五世孫允附

在余山騎龍堰

明王汝玉志

永樂四年夏四月朝廷大召天下鴻

儒纂修經史典章文獻於文淵閣前魯山宰華亭俞

允首被召命預茲盛事五月其父彥達甫以疾卒於

家計音來告據實以陳請遂奔喪潁行大學士敬齋

李公述其世次行實允拜以乞銘余辭勿獲乃爲銘

而序之俞氏由高祖某而上家吳興曾祖道善而下

家華亭吳興之行藏顯晦歷歲茲久不可考華亭自

道善至彥達世濟厥美鄉黨無閒率能道之然皆韜光

斂華未有所施於時也彥達之行尤昭著其於事親

行己閒克孝且善初郡常有警負母逃旁邑盜已至

行阻大澤善沒者多陷溺矣彥達度勢迫奮以前得

淺渚母子卒完無害衆謂孝感云平生恬淡寡利欲

不事家人生產作業競刀維息晚益嗜佛遇人患難

匍匐救之恐後歷歷可稱數人問之則曰吾非欲賈

譽也視聽之所已及心不能已耳彥達諱顯父諱道

新母吳氏娶沈氏顧氏皆先沒孫男四長懽次悅懽

愷女三慈婉慈惠慈順曾孫男二善慶福慶彥達目

蚤歲得喘疾允知醫善調口疾作輒止今終以是疾

不救卒年七十有九其口之原爲鄉余山其葬之日

爲今年某日九字嘉言後改名永彥達無他子女雖

甚鍾愛之然俾從明師勤學業隆寒熾暑不容懈平  
居訓之必以義方故永得為名進士授行人升楚府  
紀善出宰魯山歷官皆清流表表於士林云余讀韋  
氏父子傳史臣稱其遺子金滿簾不如教子一經元  
成之名重於漢室固由父教所致而韋氏則因元成  
益大彰彰觀會氏世行遠而光如此而未彰者非天將  
大彰其後耶九年富而才敢將來方未艾也銘曰世  
之昧者不求諸天而求諸人求諸人者未必有獲求  
諸天者無鬱不伸猶物之屯必變於春嗚呼其羣者  
邪徵仕郎右春坊右贊善兼翰林院檢討同修國史  
吳門主  
汝玉撰  
胡嚴銘  
五百名世曠一逢上有真主風虎從兩朝  
之閒公人龍呼吸千載歸心胸昭回日月粉敵功一  
吐厥緒開屯蒙教寧吏治罔勿隆畏壘尸祝碑若虹  
受既受知主重瞻天衢市升何忽窮翅雖隄鐵未受  
籠糠粃塵垢鄉相崇優游溪壑薛荔封風流跌  
宕為時宗今駕格澤驂天公清聲相望配退翁

朱祐之墓

在余山東麓學士錢禮志銘

此徐獻忠先生先塋記 華亭朱氏以仕族稱其先  
 七世祖素陽人仕元松江府推官其子祐之字元  
 祐占籍華亭配楊氏贈宜人合葬於奈山東麓其後  
 族繁各願共所親之墓而奈墓遂荒埋公有曾孫宓  
 贊苦泗水一里生三子仲有子曰訓字季暉號南溪有  
 四子曰承順承益承緒承祐南溪公沒既飭其墓廬  
 乃念奈墓不可考順嘗語諸弟曰予數夢奈墓有樹  
 碑林木者一老人指顧予了了而弗能詳豈其奈墓  
 邪益於是開先代遺文得錢學士志乃相與至奈墓  
 之繆老者修指山間羅漢松曰此蒼然者故神奇不  
 可伐其下自來稱南門朱氏墓今屬之李秀才中孚  
 諸君於是訪中孚所由云朱故祖母族藏有先世質  
 券蓋自成化丁酉至是六十有七年矣乃遂償其質  
 而率宗人修復之既雍其荒莽辨其區界即封以吉  
 壤樹以叢木引級為階構園為堂庖寢斯嚴垣墉畢  
 具百有餘年之墓一旦維新諸君孝思深切誠不多  
 見而宰木有知固其先世神靈所護以待  
 諸今日者也順於夢寐通之豈徒然邪

明松江府學訓導邵亨貞墓

在奈山邵氏世墓在泖浜  
 至亨貞遷此沒因葬焉

鄭州同知李整墓

子尚書至剛孫參政源曾孫知府桓

竝附

在余山  
之陰

國子司業孫作墓

在漢成里  
平港村

苦節先生沈易墓

子翰林學士度大理寺少卿榮孫員

外藻附

在薛山西麓度  
宣德九年賜葬

苦節先生墓表

沈氏世家華亭先大父諱德輝號

竹庭嘗爲郡吏申理冤滯鄉人德之稱長者是我

先人諱易少受經於鄉先生曾道源教學者務力行

而本於忠孝先人感激奮勵稍出仕爲祿養計會張

士誠據浙右省屬有史文炳者義圖匡復事未成而

遇害先人嘗預其謀欲爲史報仇遂北奔中原以策

干擴廓帖木兒於軍中甚見獎重定猶高還表爲諮

議參軍已而視元政日乖慨然去之是時張寇勢盛

不可歸往來河洛間有權以制先生廬陵碩儒教授

於衛先人往從卒業作心法二箴以贈先人益刻苦

自勵客僕六年中心未嘗不在親側衣食不求溫飽  
隆冬祁寒單席木榻或謂何自苦若是輒潛然曰親  
在不獲奉養朝夕而敢求自安邪國朝既平士誠始  
歸養家貧甚漸瀟旨甘極力承歡而恆蔬食自甘號  
蔬食野人翰林學士詹公同奉詔求賢至郡郡首以  
先人爲言公自手書專使詣先人先人謝曰僕亡國  
之賤也將焉用之且父母皆老方資不肖以畢餘年  
惟仁人終憐乃已後縣數奉詔舉孝廉舉秀才皆引  
疾辭杜門二十餘年衣冠危坐終日弗懈爲文章根  
柢六經實而不華善獎迪後學講下生如龔氏子始  
七歲奮欲求尸於千里之外姚氏張氏子皆十二三  
能伸其父冤於官經先人之教者後多致通顯春秋  
六十以洪武癸酉終鄉先生錢慶餘顏近仁任季綸  
張孟經相與言曰沈君明性命之微秉忠孝之誠敦  
清苦之行勵堅貞之操翹翹乎流俗之表而不爲一  
毫死生利害之私計豈非特立不羣者哉遂私謚苦  
節先生妣顧氏元濶州尉思忠先生之子令德賢範  
表於族姻前先生卒孤兄弟二人長度次彙先人沒  
將十年兄弟前後被召度自翰林典籍三遷今爲侍  
講學士彙自中書舍人再遷今爲翰林侍讀並叨禁

近日承寵遇之隆實我先考妣茂德深仁毓慶垂祚之所致矣嗚呼凡我後之人尚其永念哉永樂二十

一年男  
度表

郴州判官陳璧墓

在奈山西北張靜經墓右

張麒麟墓

在奈山西北有陳文東書碣筆法最精墓者甚衆

封戶部員外郎張宗仁墓

在鳳凰山

主簿張宗武墓

在奈山

戶部員外郎張賓賜墓

在鳳凰山

御醫趙友同墓

在鳳凰山之原楊士奇志銘

戶部侍郎謚僖敏王鍾墓

在奈山

封刑部主事張暎墓

在奈山

雅州知州陸宗墓

在玉屏山

處士張倫墓

在七寶鎮橫灘東北

錢溥墓志銘

偉茲處士夙負大義屢涉艱虞事允

克濟豈無史氏

傳其卓異爰製銘詞以告來裔

順天府丞朱孔陽墓

在秬山永樂中孔陽以能書官中書舍人仕至順天府丞正統十年賜祭

葬李時勉

志其墓

大理寺卿朱奎墓

在秬山宏治十年賜葬三山林瀚撰神道碑

贈南京吏部尚書錢惟慶墓

在秬山楊士奇銘

南京吏部尚書諡文通錢溥墓

在秬山宏治二年賜葬東海徐溥銘

按察使錢博墓

在秬山夏時銘

御史孟暘墓

在華亭鄉錢溥銘



編修周輿墓

子刑部郎中佩祔

在佘山孫承恩志銘

義士張哇墓

在佘山之陰

溫州府通判張齡墓

在橫瀝北

兗州府通判王輔墓

在鳳凰山

副都御史張誥墓

在佘山

南安府知府張弼墓

子副使宏宜都給事中宏至孫建

陽縣知縣其協光祿寺署丞其悰曾孫封修撰德琛

在鳳凰山

天台謝宗伯鐸志銘

成化丁未夏六月南安守華

亭張公汝弼以疾卒於家因祖塋願海將以是歲冬

十一月二十五日別葬於郡城北鳳凰山之陽其子

寧海令宏宜屬吾台郡守葉公崇禮以狀來請銘於

予始予天順初識公於禮部三十年於茲矣慨念交  
遊稱豪傑士若公者固落落可數予忍復銘公也故  
公諱弼姓張氏汝弼其字也其先汴人扈宋南渡來  
臨安六世祖有諱登稱斗山先生者始來松之華亭  
曾祖岸生子英父熊應居鄉以忠厚聞以公貴贈兵  
部主事母胡氏贈安人公少穎異既壯以詩經領景  
泰癸酉鄉薦登成化丙戌羅倫榜進士倫以言事忤  
宰相去國公作詩慷慨送之未幾拜兵部主事轉員  
外郎遂有南安之命南安兩廣要衝大山長谷亡命  
肅聚爲民患者蓋衆公下車悉平之民有誣人劫財  
陷一家數人於死獄者公辨而活之大庾嶺路民素  
業其商貨往來雇直之利後爲南雄桀點所專民達  
以瘠公亟請諸當道者均而復之又以其路險隘乃  
稅商僦工闢使寬平架橋甃石三十餘里而民弗勞  
也旣又毀淫祠百數十區爲社學考先哲之嘗溫茲  
土者若張九齡劉安世李綱諸公皆特爲立祠至周  
程三先生則又別立風月臺以深致景仰後謝疾歸  
歸之日民相與立生祠又數請縣移文問候歸三載  
卒距其生洪熙元年享年六十有三生男六長宏正  
次宏宜宜以進士拜今官次宏至次宏圭次宏玉次

宏金孫男四其性其協其忻其恪銘曰東海之東鳳山穹窿有氣如虹凌虛厲空人曰此山嶽劍之鋒孰知其下文冢之雄嗚呼萬靈所鍾鬼護神封後千百年茲其不陞於地邪尚有考乎吾銘之公

副使曹時中墓

在薛山

訓導張時泰墓

在張家洪

南昌府通判張元澄墓

子德讓耐

在奈山

封中書舍人金鉉墓

在七寶鎮楊士奇表

贈副使富洪墓

在奈山

中書舍人沈世隆墓

在奈山

江西布政使葉萱墓

在尤墩南賢村張悅表

義士徐壽墓

在七保五畝

參政楊銓墓

在富林八曲里  
陸樹聲志銘

臨江府同知贈僉都御史楊樞墓

子湖廣巡撫豫孫附

在任淇兵樞  
墓徐階志銘

禮部主事陸從大墓

在卷塘

贈按察司副使楊溥墓

子贈延平府推官欽附

在蔡成涇

封工部郎中周雲鵠墓

子提學副使思兼附

在蔡成涇

僉事金定墓

在唐行五十保

僉都御史陸樹德墓

在廣富林金山  
志在秀州塘

長史袁福徵墓

在奈山之陰

高士陸郊墓

子應陽附

在孔宅西長洲  
申用懋志銘

處士董傳紀墓

在東余山張爾嘉銘

副使楊道亨墓

在楊扇鎮王世貞銘文徵明書

永春縣知縣許兼善墓

在余山宣妙寺東

吏部主事陸彥禎墓

在廣富林八曲港

兩浙運使陸從平墓

在盤龍塘

陸萬言墓

在盧山北

太學生何之龍墓

子紹興府推官三畏祔  
在鳳凰山

善士周裕墓

在細林山東袁長史有傳

舉人褚效忠墓

子安定縣知縣用章祔  
在廣富林東北

舉人王良金墓

在楊港浜

常山縣知縣唐之屏墓在余山東麓昭慶寺西烏程沈淮志銘

太常寺少卿李時榮墓在辰山南際字圩

太常寺卿李世祺墓在五十保有橋名李墓橋

知州顧伯麒墓在余山

布政使張爾嘉墓在余山

陳繼儒哀辭 公字錫之號余峯領萬歷癸酉鄉薦  
癸丑成進士始令婺之東陽廉惠多循績立生祠祀  
之當考選疏救劉光復薦鄒元標當事憚其直授兵  
部職方主事時以東事佐樞有聲力辭郎篆絕足權  
門求外補分守寧紹台尋晉右方伯卒於任友人陳  
繼儒哀之其辭曰公性溫良氣容與畏擯途憚苛禮  
削廉隅鋤堅壘與人交揭心膂與人談呼爾汝我醉  
欲眠類淵明之真率日出科頭似管寧之晏起五載  
東陽九年郎署與吳淳夫同寅而袖手不掌職方與  
崔呈秀同門而絕足不阿權貴大節皎然小心自喜

何羨龜頭何踞虎尾看火焰之亂投笑冰山之徒倚  
觀察則清靜絕塵方伯則淡泊如水或賦詩或隱几  
解羽鱗釋囚繫載野蔬灌庭卉衣三浣食單簋且嘯  
且歌爲湖山之蘇白方內方外爲衣冠之巢許既用  
物之不宏庶超齡之可疑何爲乎絕其伯道之見并  
絕其中郎之女五日疾危七尺已矣丹旄素旌返於  
故里空山蕭蕭空齋偶  
偶哭泣無人我淚如雨

工部主事陳所聞墓

在廣富林

漢陽府知府孫克宏墓

在神山東真道院東

國朝予諡忠烈兩廣總督沈猶龍墓

青浦志在鍾賈山金山志云在松隱誤

國朝予諡忠裕兵部右侍郎陳子龍墓

在廣富林

徵士陳繼儒墓

在東茶山

孝子李承恭墓

在三十人保

張朗墓

在東奈山周紹節碣

四川天全六番招討司使經歷楊繼益墓

在楊扇鎮

南安訓導姚鵬墓

裔孫蒙附

在三十保呂蕩廟顧清志銘

禮部郎中孟羽正墓

子養大附

在朱方橋

副使張昂之墓

在奈山昭慶寺東郭志在金山慶志在新橋西

沈怡素墓

在郡治五十保三區以匠籍徙宛平曾孫宏道重修

元氏縣主簿張桓墓

在奈山

桂林通判張以誠墓

子霸州知州安磐孫刑部主事世

雍耐

在奈山

茅家墳

在學潭西南舊有翁仲石馬久為風雨蝕而墳卒無損相傳為茅尚書墳姓氏時代俱無可考



殉難諸生顧明德墓

在四十三保五  
六番謝澤關

四義僧舍利塔

在余山北

國朝

贈按察司副使沈紹曾墓

在四十  
三保

謚文恪禮部侍郎沈荃墓

在朱家莊  
北男字圩

御製碑文 朕惟國家簡用儒臣列於禁近不幸不祿褒  
卹有章所以沛恩施優侍從也爾沈荃騰聲江國擢秀韶  
年初授魏科最研詞翰暫因需才蒙厯出為監司除稔其  
才名俾還禁掖螭吻視草豹尾陪軒既擅三長尤工八法  
沈思則霞變雲蒸落紙則露垂泉涌積官宮尹游被恩華  
文彩風流是所嘉尚既蘊藉以美度復謹愼以持躬驟爾  
溘焉深加軫悼賜金營葬異數頻仍予謚更名曰文曰恪  
惟茲珥筆之彥恩禮有加是用載錫氓解孔彰寵眷俾後  
之人有考焉康熙二十七年十一月二日立

贈刑部員外郎周時儀墓在三十七保十六畝

高士吳騏墓在辰山點易臺畔

進士諸嗣郢墓在五保

戶部主事諸與行墓 子提學僉事舜發附在五保

張延年墓在三保

封工部主事張驊墓在四十六保二畝

分巡嶺東道陸振芬墓在神山

顧榆訓導葉有年墓在余山

績溪教諭莊恭墓在四十三保廿五畝汪永錫銘

教諭章霖墓在鳳凰山

婁縣縣胥馬天麒墓

在鍾賈山承行均田均役之法者  
麒最盡力沒四邑士民斂資以葬

舉人候選中書張澤城墓

在鳳凰山

工科給事中王原墓

在四十  
五保

贈文林郎陸祖彬墓

子榮程孫惇宗附

在辰山

贈修職郎蔡重光墓

子貢生芳教諭英附

在金澤

封儒林郎孫琪墓

在四十  
三保

中允黃之雋墓

在余山  
西址後

贈中憲大夫太學生范纘墓

曾孫高明縣知縣錫圭

附

在薛山之麓雲字圻纘陳文  
祚簡元龍錫圭秦大成銘

開建縣知縣邵成禎墓

在金  
家橋

大理寺評事張梁墓

在柳西慶圩

贈朝議大夫張澤桂墓

子贈中憲大夫忠仁孫永年

縣教諭孝源南雄府知府孝泉竝祔

在奈山

國子監學正張澤緒墓

孫孝璜祔

在鳳凰山

衛輝府知府王祖晉墓

在薛山

謚恪靖河南巡撫胡寶琮墓

在蘭荀山

御製墓碑 朕惟宣德意於封疆聿著匪躬之義紀功宗  
於珉石用垂壹惠之文惟澤被於嘉師斯恩昭於來葉勸  
功之典時惟懋哉爾加贈太子太保兵部尚書前河南巡  
撫胡寶琮才本通方學有經法管轄省闢篇章傳紅藥之  
名執簡臺垣冰檠表素絲之節周旋禁地殿廷之進止無  
愆屏翰神畿京輦之喧囂宵靖策馬戎沙之地洞達邊情  
備僚武帳之中與聞廟略用襄大凱其克有勳耀居風紀  
之司亮直無慚於牙纁俚貳夏官之長機宜悉協於溫鈴

松江府志

卷七十九

七

嘉其中外之勤勞界以撫循之重寄晉水湘江之會並建牙旗豫章梁宋之區載馳玉節朕殷懷人瘼惟爾實撫其流移朕軫念河防惟爾勤司其宣洩日者時巡南服顧問守臣嘉忠謹之上陳喜神明之益茂未經改歲遂染沈痾馳內院之盧附賜尚方之參附方謂宣勞猶昔二豎全祛何期夙疾俄增三靈失祐悵老成之已謝空歌弗翦於周南冀後嗣之予寧允卜攸居於吳會爰頒贈卹以慰幽冥晉保傅之空銜遷正卿之峻秩稽諸冊府錫以嘉名象厥生平諡曰恪靖於歲豐碑式煥絲世聞於五湖三泖之閒舊德不忘緬勛庸於九棘雙槐之次欽予時命宜爾後人按察使王丕烈墓在佘山弔字圩

賜祭葬崇祀昭忠祠內江知縣加贈道銜許椿衣冠墓

子封武信騎尉安邑縣知縣煌祔在四十一保伐字戶

六安州學正池澤來墓 子蒙城教諭樹儀祔在佘澤楊樹巷

分宜縣知縣趙頤墓在薛山

薦舉博學鴻詞貢生胡鳴玉墓

在奈山

贈通政大夫蔡燦墓 子布政使鴻業附

在皇甫林梁國治志銘

孝子張忠掌墓

從子礪山主簿孝煜附

在鳳凰山

宛沂曹濟道王興堯墓

在奈山儀徵阮元志銘

布政使徐恕墓

在虬江

陸緯墓

在奈山

贈中憲大夫陸楣墓

在五十保吳省欽志銘

按察使陸伯焜墓

在七開村王昶銘

貢生朱璜玉墓

在章堰南庫錢大昕志銘

順天府西路同知蔣雲師墓

在十

貢生范榮桂墓

在玉屏山之陽徐恕志銘

布政使姚令儀墓

在三十八保三十八畝姚確銘

川沙撫民廳

明金山衛指揮使秦豫墓

在廿二保十二畝

處士陸河墓

在二十二保十四畝楊家溝之南

封文林郎

國朝贈中大夫陸明允墓

子永寧縣知縣起龍歲貢生

起鳳祔

在廿二保十二畝

國朝

贈修職郎晉中議大夫陸鳴球墓

在楊家溝之南

山東學道按察司僉事陸鳴珂墓

在廿二保

贈中憲大夫陸瀛亮墓

子秉紹附

在廿二保十四畝

附列女墓

漢烈女呂榮墓

在由拳北按呂氏吳許升妻也事具後漢書列女傳墓在嘉興縣

國朝朱彝尊以半邏南之呂蒙家謂即呂榮家則墓又疑在海鹽然文樞鏡要云糜府君斂錢葬之嘉興縣南則

葬尊之辨似未足據而青浦志尤不足憑矣

蜀丞相諸葛瑜夫人墓

五茸志逸在華亭縣南廿五里張澤南墓在水際露其前和村人趨

視之尸骨已盡有古鏡等物上有志石乃唐開成所葬棺中有開成大錢千餘皆散在村中有見之者

丞相潘葛妻李夫人墓

顧志在郡南四十里潘店北杏涇之左有華表石柱石獸石碑碑旁

鐫天漢四年葬五字考潘葛為丞相不見於五代史十國春秋且天漢紀元僅一歲何以稱四年十國時松江



為吳越境於前蜀相去甚遠何以葬此殊不足信

吳陸公遜女王夫人墓

墓在華亭南婁縣北二里許有劉叟農往田閒遙覩一紅裳

女子徘徊岸側迫視無所見疑土中有異掘之不數尺獲一甌式甚古下遇巨槨如數間屋旁有穴窺之內有石塔上臥髑髏一具前植短碑鐫字十有二日吳陸公遜女王夫人之墓左列石几供瓦盆一色如玉其人取盆歸忽見紅裳女子先在其室或隱或現隨感疾卒盆為好事者取去云無他異唯盛水一泓澄澈經歲不竭而已

大學博士周闡妻活碑

原碑亡

朱葉夢得嚴下放言曰華亭人發冢得石刻字

曰晉升平四年三月四日大學博士陳留郡雍邱縣都鄉周闡妻活口晉潯陽太守鵬揚男諱嬌字永時皆鐫成文同此周闡之妻柏逸之女墓也蓋闡之父故獨稱諱何不知妻名活何義字盡極分明無訛其中無他物惟銅鐲一三足鎗柄面闡四寸餘深半之野人來求售余適得之考葉公居吳郡其曰華亭人當看言松江人也

故野人得以  
銅錄售之

唐隰州司倉支令問妻曹夫人墓

雲開志按法雲寺記載曹夫人墓志云葬之顧

亭林市南烽樓之側

考唐書志司倉知古人之從簡也元和姓

軍事從八品此碣僅稱司倉知古人之從簡也元和姓  
墓支姓有瑯琊西城二  
望支令問不知何出

燕胄妻朱氏墓

陳志在華亭舊城西一里修竹鄉雲開志紹興乙亥歲酒務鑿土得唐燕胄妻朱氏

墓碑以咸通八年寔於華亭縣西一里鄉名修竹墳志日嗟乎由宋及今世代未遠而荒冢殘碑漫不可考叩之亭父落長尚有能道其詳者亦何止朱詹四人而已哉

陸氏劉夫人墓

今無考

陶宗儀古刻叢鈔載有墓志銘夫人彭城郡人也父峯皆詞林學趨官迹立笄年禮聘適於陸門壘悅雞鳴嚴勤婦節大期俄屆嗚呼於大中九年七月口日寢疾終於華亭邑內之私室也芳年三十有七以

其十二月一日葬於縣東三里買宋氏埽之新塋禮  
也有子三人長度次夫師口師雖以幼童哀訴過禮  
恐代異時移故刊貞石銘曰夫人劉氏簪纓之女節  
婦義夫蚤聞令譽際光西口邁水東流佳城一閉萬  
古千秋

陸氏廬江郡何夫人墓

志銘 大唐會昌之五年乙丑歲孟夏之口廿一日  
夫人終於家春秋六十有八祖諱眞父諱口口其先  
廬江人也夫人幼習女儀長有令譽初笄之歲匹於  
陸君肅肅雍雍如琴如瑟嗚呼不同偕老陸君不幸  
而先逝夫人所生一子元慶幼而習禮頗識義方承  
順慈顏曾無怠免水漿不入杖立塋葬以所卒之年  
莫秋之月乙巳朔廿六日庚午遷奉於華亭縣西北  
二十三里陸氏故山口口口口夫之兆以遵生前  
之命今慮歲月懸邈林摧隴隆刊輒立銘系以銘曰  
嗚呼浮生如露如電平生玉容無由再見精魄口散  
形體口口口口慕鄉思子淚雨按唐書陸元方傳曰  
吳郡吳人雲閒志載陸元感墓碑均無碑中元慶之

名相類又于山圓智寺記云所謂機上者往往排巖別嶺繁為陸氏之家山總而名焉陸氏故山或當指此惟去縣二十三里考雲開

宋林妃墓

在青浦新江鄉相傳理宗林妃葬此宋史理宗后妃傳止載謝皇后竝無附載他妃事實惟買

似道傳稱其姊入宮為貴妃有寵而丁大全馬天驥等又以阿閭妃用事當時有閭馬丁南宋陵寢多在臨安近邑日二書獨林妃則無可考且南宋秀州而林妃一豕既今吾邑雖去臨安僅二百里地屬秀州而林妃一豕既無史傳可徵又無碑碣可據舊志相仍恐亦未足深信也

朱氏二夫人墓

陳志在莘莊南土人稱為小娘墳者被盜開墳見大鐵索懸一柩得銅鏡金玉有石

供臺金鑑瓶盒皆金錯成紋墓碣題朱氏二夫人之墓

元上海縣尹劉輝母孔夫人墓

郭志在婁縣干山輝沐人至正間為上海令有惠政

先棉黃道婆墓

在上海廿六保廿八九畝

明誥贈太淑人馮廷尉母吳氏貞慈墓

在青浦西關外水雲亭西

羅碩人墓

在婁縣鳳凰山張弼副室以子貴敕封孺人大學士賈詠傳換碑記

一品夫人沈氏張氏墓

徐文貞階室也原配沈墓在郡西白洋灘繼室張墓在吉陽匯文貞

賜葬湖州夫人先葬故弗從

徐節婦王氏墓

在婁縣一保八畝太僕寺徐炎側室

貞節張文震妻陳氏墓

在婁縣千山郡守張九德表其墓曰女中夷齊

完節沈文煥妻宋氏墓

在婁縣二保四六畝董其昌銘

貞烈孫妙真墓

在南匯十七保三十三畝事蹟莫考斷碣猶存乾隆五十七年知縣胡志熊立石

烈女楊雲芳墓

在青浦澱山普光王寺後華亭知縣鄭友元立傳里人沈旭有烈女亭碑記

蘇烈女墓

在上海斜橫東

張烈婦陳氏墓

在婁縣天馬山之陽董其昌書墓碣

潘氏義女墓

在上海小南門倉廩內事蹟莫考嘉慶四年知縣湯壽立石

三節婦墓

在上海肇嘉浜北主簿李從吉妻劉氏暨長女唐文祥妻妙真次女沈源仲妻妙堅同葬並詳

賢媛

旌表節婦姚氏墓

在青浦鳳凰山舉人張德瑜妻

烈婦焦氏墓

在金山七保湯家角庠生朱煥妻

烈婦李氏墓

在青浦曹墳東

姑嫂墳

在南匯十九保馬路港北原相傳有子死於外而親存者嫂守節姑守貞以共養沒後同葬焉墓有

鴨腳木二歷數百年猶存

烈婦包氏墓

在鍾賈山

莫嫁墳

在華亭十五保張輔女年二十二適蕭溪朱諡三載諡沒自誓莫嫁葬後土人遂稱其墓曰莫嫁墳

兄先宜  
為立碣

節婦楊氏墓

在墳

朱葬尊墓志銘 烈婦楊氏者儒學生諱某之子給事中諱某之孫嫁陳某生三子一女歲在乙酉八月松江城破游卒乘勝至墳溪執陳某斧傷其首烈婦奔救其夫卒舍某執婦某得脫婦給卒曰毋縛我我走及汝卒信之比登舟遽躍入溪中死時年三十有一陳氏之僕有妻曰張惜匿葭葦中見婦死狀兵退其長子曰治年十二號於溪畔越二日婦尸浮溪面得就斂當是時游卒大掠溪上一婦投溪之東曰徽州商人孫氏之嫗一婦投溪之西曰儒學生孫諤妻顧氏三人皆完節死烈婦幼能讀毛詩孝經列女傳平居訓子女不輟舍旁有梅三十本皆其手植蓋至今存也治好學多材藝游於京師以醫自給將歸葬其母乞其友秀水朱彝尊為銘曰溪之水云云若斧者墳嗚呼女子而烈如是既活其夫乃捐其軀有子

賢壹行斯傳我銘  
於石南史是擇

國朝

節婦席氏墓

在婁縣干山東三里

節婦蔣氏墓

在婁縣干山東侍郎王昶有傳

節婦胡氏墓

在金山七保二十畝

魯烈婦墓

在朱涇萬安橋

節婦程氏墓

在金山梅雪莊

胡炳文妻程氏吳義瞻妻胡氏母女雙節墓

在朱涇萬安橋

貞女墓

在秦望山相傳王農部建山莊時闢地以廣墓址夜夢一紅裳女子曰底公字下乞留片壤醒

而異焉及詢諸土人知此地向傳有貞女墓者碑碣無存公卽爲之封固如初至今在秦望山莊後云



貞女陸斗南聘室方氏墓

在金山萬安橋

何烈女墓

在青浦佘山之陽張孝泉有記

一品夫人尚王氏墓

在上海西門外晏公廟西北夫

任浙江提督尚潔繼室浙江提督喬照外母乾隆四十

七年隨壻任卒於署年八十四後以原籍嗣孫來浙將

遂權葬於此

女孫壻曹洪志立碑記之

孝感墓

在南匯石荀里永寧寺東南隅朱節婦顧氏家

地資助之因名墓曰

孝感朱之模立碑記

節女王氏墓

在青浦青龍鎮

節婦陸氏墓

在青浦澱山西

才孝女王淑玉墓

在青浦查山西岡淑玉山東兗州府壽張縣人金山衛參將王功建次

孫女性聰慧能詩事祖父母以孝聞康熙間隨祖至金山年十六卒於署遂葬此功建有記勒石立於墓側

烈女何氏墓 在青浦余山沐堂側

何烈女墓 在上海洋涇北知縣王挺有碑記

侯氏節孝阡 在上海圖沙

烈女曹氏墓 在由拳北

附外郡冢墓

吳鬱林太守陸績墓 在閭門外泰伯廟西

梁太常卿陸倕墓 在吳縣綏山鄉墓石從子襄為序湘東王綽為銘普通六年立

給事黃門侍郎陸雲公墓 在橫山俗稱陸墓山舊經譌為陸士龍今相傳為陸機墓皆非

明陶神童墓 嘉善縣志在陶莊鎮西

長汀令邱民貴墓

嘉興縣志在縣東南永豐十四都子副使履嘉墓在白苧十五都

太師大學士諡文貞徐階墓

湖州府志萬曆十三年賜葬於長興縣東山嘉會區之原

湖廣參政馮時可墓

在蘇州府長洲縣婁門外文震孟銘

奉化縣知縣徐獻忠墓

陳志在湖州九霞山

太僕寺卿范惟一墓

陳志在蘇州天平山

光祿寺少卿范惟丕墓

陳志在蘇州天平山

參議范允臨墓

蘇州府志在清流山北楓鳴

監察御史贈光祿寺少卿包節墓

郭志在杭州王雲山徐階銘

副使包檉芳墓

嘉興縣志在縣東德化一都東

南京太僕寺卿吳炯墓

陳志在湖州烏程棲賢莊之右羅山之麓黃其昌銘

瑞昌縣知縣蔡紹襄墓

陳志在南  
京方山

贈南京禮部尚書董漢儒墓

陳志在蘇  
州漁洋山

太子太傅禮部尚書諡文敏董其昌墓

郭志在蘇州陽山  
崇禎十年賜葬今

遷附贈公  
漢儒墓

賜諡忠穆明東閣大學士張肯堂墓

結崎亭集  
在普陀山

天策衛經歷

國朝崇祀忠義祠孫訥墓

在鄧  
尉山

高士李延昱墓

在東湖洪潔芳橋東北葬用浮屠法  
外周以牆其形方而虛其前作圭竇

朱彝尊撰塔銘

高士李君者自上海來平湖割西

宮道士之樓居焉

以醫藥自給年七十病卒君先世

曰尚衮日中立皆舉進士尚衮未授官中立為大理  
寺右評事又有立功與倭戰沒者建祠南匯城代

爲士族而與君游者多不知其門閥年二十間道走  
桂林名書仕版而與君游者多不知其官資君娶伍  
氏再娶殷氏鞠氏先後生子九人悉天而羣從皆學  
官弟子與君游者或不知其家室子姓於醫受業於  
季父中梓士材中梓撰方書一十七部君補撰藥品  
化義醫學口訣脈訣彙辨痘疹全書四部刊行之有  
延之治疾者數百里必往視疾愈不責報或酬以金  
輒從西湖書估舟中買書不論美好由是積書三十  
積繞臥榻折旋皆書也與君游者相對樓下不知其  
儲書之富客過無分出處貴賤怡顏相接暇則坐輕  
舟載花郭外藝庭前飲客酒必自遠致山肴海錯必  
豐與君游者不知庖爨何地而君意所嚮何者爲疏  
密也歲在丁丑冬十有一月予至平湖則君已疾革  
視之猶披衣起坐出所著口口口口口南湖舊話錄  
暨所撰詩古文曰放鵝亭集并以付予且命弟子以  
所儲書二千五百卷畀焉其餘散去平居玩好一瓢  
一笠一琴一硯悉分贈朋友越二日終遺命弟子用  
浮圖法盛尸於龕焚其骨瘞之塔後二年訪君葬所  
則近在東湖之濱其友江某實治其藏焉弟子蔣某  
徐某請予銘以垂之永久銘曰君諱彥貞厥字我生

後更延是爰遁於野故字辰山亦曰寒村被道士服  
栖琳觀之側汎汎松舟而沂而游疾者熏灌或以解  
散有花有荷有甲有條步櫚兮逍遙有經有子有文  
有史搖筆兮伸紙有肴有膳有藪有魚留客兮康娛  
嗟君之寃窳兮忽自逃於釋兮嗟君之去故都兮委  
恆幹於東湖兮或疑羽流或謂僧伽視我銘辭其高  
士邪

于東景當湖雜詠 混迹醫翁道士閒半生鄉井不  
知還一抔黃土鴛湖曲剩與閒人說放鵝

國朝

戶部尙書王鴻緒墓

在平湖新帶東北二里南巷

翰林院檢討范必英墓

蘇州府志在太平山東麓

禮部侍郎曹勳墓

在嘉善楓溪東

吏部侍郎曹鑑倫墓

在嘉善遷八畝大形圩

刑部右侍郎王昶墓

在崑山嚴字圩無錫秦瀛志銘

追贈副都御史曹錫寶墓

在蘇州之花山大興朱文正珪志銘

御史許寶善墓

在蘇州崑山縣兵墟村許忠彥志銘

御史沈步垣墓

在嘉興感六都正日字圩